

عظات مضيك معاشي النجزء النتامن



القمص القمص المال المال

عظات مشيقة معاشة النامن الجزء الثامن



القمص بيسوى كامل

اسم الكتاب: عظات مضيئة معاشة ج ٨

إعداد: القمص بيشوى كامل

الناشر: كنيسة مارجرجس اسبورتنج

الطبعة: الأولى ٢١ مارس ٢٠٠١


المطبعة: الأنبا رويس الأوفست

رقم الإيداع: ٢٠٠١ / ٢٠٠١



قداسة البابا شنوده الثالث بابا الإسكندرية وبطريرك الكرازة المرقسية





عظلت عن السيدة العذراء

القمص بيشري كلمل

أكبر أعياد العذراء

نحتف اليوم بعيد نياحة القديسة العذراء مريم.وإحنا احتفلنا بعيد ميلادها في العذراء مريم.وإحنا احتفلنا بعيد ميلادها في الول بشاس وبعدين بقى العيد الثالث والعيد الكبير اللي هو ٢١ طوبة تذكار نياحتها . زي ما بيعلمنا الوحى الإلهي ببقول" انظروا إلى نهاية سيرتهم وتمثلوا بإيمانهم " .فالكنيسة دايما تقدس عيد النياحة على أساس أن هو العيد اللي فيه بيكون القديس كمل جهاده . ويدعوه الله إنه يروح عنده في الساماء .

علشان كده كل ٢١ فسي الشهر القبطي بيبقى تذكار لهذا العيد. تذكسار لنياحة الست العذراء ومن المناسبات اللطيفة التي ستعتز بها هذه الكنيسة (كنيسة العنزاء بكليوباترا)

عبر الأجيال كلسها إن هي إتصلى فيها أول قداس في عيد نياحة الست العنزاء زي النهاردة بالضبط . كان يسوم جمعة يوميها . أصبح ده عيد الكنيسة وعيد العنزاء . لأن العذراء هي صاحبة الكنيسة . فإحنا النهاردة بنحتفل بأعياد كثيرة : عيد العنزاء وعيد الكنيسة نفسيها .

من هي آمي واخوتي

وبنعمة ربنا نقرأ جزء صغير مسن إنجيل معلمنا مرقس الإصحاح الثاني لما كسان المسيح رب المجد قاعد مع الناس . وكان جمسع جالساحوله " فقالوا له هسوذا أمك وإخوتك خارجا يطلبونك فأجابهم قائلا مسن أمسي وإخوتسي شم نظر حوله للجالسين وقسال ها أمسي وإخوتسي لأن من يصنع مشسيئة الله هسو أخسي وأختسي

وأمي " .. اللي يصنع مشيئة ربنا هو أخويا وأختي وأمي .

في الواقع الكسلام ده كسلام العسهد الجديد مش ممكن يتقال في العهد القديسم . فالذي يتبادر لذهني إن المسيح رب المجد لما جه للعالم حسب تعبير معلمنا بولس الرسول يقول في رسالته لكورنشوس الثانية يقول "خطبتكم لأقدم عذراء عفيفة للمسيح". فالله الكلمة غير المحدود غير المرئى المولود قبسل كل الدهور أصبح ليه أم وأخ وأخست . النساس اللسي هم ينطقوا بالأمور ديه ماكانوش همم ينطقوا عن قصد .. مرة .. مرة .. يقول لك إنسه كسان لسه العذراء تزوجت إلى أخره .. والمسبح كان يقول لهم أبداً ده أنا جاى علشان أعمل لي

أخوات كثير في البشرية .. حتى معلمنا بولس الرسول يقول ويكون بكرا بين إخــوة كثــيرين .

لكن الناس قالوا له إخواتك بره .. أمك و إخوتك بره .. حسب الجسد هي أمسه فعلا .. يعنى العذراء حسب الجسد هي أمه .. و أو لاد أختها أو أو لاد أقاربها يبقى حسب الوقت اللي كان موجود ده يبقوا برضه إخواته . فهي أمه لأن حسب الجسد .. ومن ناحية ثانية هي أمه لأن هو قال " اللي يصنع مشيئة أبي هو أخي و أخي و أختى و أمهى " .

هل قيه إنسان في الوجسود صنع مشيئة الله زي العسذراء ؟! ..

ماحدش صنع مشيئة الله زي العنواء .. فمن الناحية الثانية اللسي اتكلم المسيح عنها النهاردة فهي أمه برضه .. أمسه بالجسد وأمه

بالخضوع لمشسيئة الله .. خضوع كامل .. هي قالت هوذا أنا أمة الرب ليكن لـــي كقولـك . فهى أم المسيح لكن هي أيضا بنت حنة ويواقيم . وهي نسبينها اليصابات . . الكنيسة وقفت تتفرج كده .. لقست العنذراء دى عملت عمل كبير جدا .. عملت عيلة .. أنت عارف لما الواحد يبقى له عيلة كبسيرة خالص خالص العيلة دى ما بقتش فيها يوحنا المعمدان و اليصابات الأقارب .. لكن هو المسيح أخذ منها جسد وعن طريق العنذراء أيضنا لأن التسبحة بتاعة الكنيسة بتسميها عجينة البشرية أو عجنة البشيرية .. وتسمى بطن العندراء المعمل الإلسهى اللسي تسم فيسه الاتحساد غيير المفترق . فيبقى العدراء هي قدمت للمسيح عجينة بتاعة البشرية كلها . علشان كده أنتم

تلاحظوا إن المسيح بيقول دائماً أنا ابن البشر وقال ابسن الإنسان .. نساس بيعترضوا من الناحية دي وناس بيعترضوا مـــن ناحيـة ثانيـة يقولوا الآهو الإله ينزل ويعمل لــه عيلـة علــي الأرض ؟ ويبقى ياكل ويشرب ويتعب ويشتغل نجار ويساعد يوسف النجار ويتألم ويبكى مع الباكين ويفرح فسي عرس قانا الجليل ويعمل الحاجات دى كلها وفي الأخسر يتصلب .. فهم برضه مش قــادرين يدركوا إن الإله نزل علشان يعمل له عيلة على الأرض ويشيل همها . إذا كـان فيه رب عيلة على الأرض تبص تلاقيه ياعيني يروح الشعل الصبح ويجسي ويسروح بعد الظهر ويكافح ويجاهد وتقول له يا فلان ارحه نفسك ، ارحم صحتك شويه .. يقول علشان أنـــا ورايــا عيلــة ومسئول عنها ، العيال مش دريسانين بالتعب

اللي هـو بيتعبه لكن هو عمّال يتعبب .. أخطاؤهم يشيلها وهمومهم يشيلها . فطبعا اللي مش فاهمين كده يقولوا حاشا للإله إن هو يتصلب وإن حاشا إن هو يتالم السي آخره .. يعني لما أجي أكلمك عن الصليب تقول لي هو فيه محبة للمسيح أعظهم من هذا إن هو يتصلب علشاني ده أنا ما أكتشهنش محبة ربسا لى قد ما شفته وأنا بأجرحه وهو بيقول ليي معلهش .. الجندي الروماني شتمه وبعدين ضربه بالحربة .. وبعدين أمن .. وبعدين المسيح قبله وبقى قديسس.

بولس الرسول ياما عمل حاجات وحشة في المسيح .. في المسيحيين .. وقبله يسوع وقال له تعال صعب عليك أن ترفس مناخس فالمسيح جه يشيل هم البشرية كلها .

فالموضوع بتاعنا اللي نفسي نحس به كلنا ببركة العذراء في الليلة دى إن العذراء في الليلة دى إن العذراء في الواقع عملت عيلة .. عملت عيلة كبيرة جدا بقينا إحنا أعضاء فيها . حتى إحنا لما نيجى نتكلم عن الكنيسة نقول إن إحنا أعضاء في جسده من لحمه ومن عظامه . الكلم ده كله ماتمش إلا عن طريق الست العذراء . لأن هي العجينة بتاعة البشرية .

تنجرة العبلة

فزي أنت ساعات لما تيجي تتسلى في البيت كده .. وتقول إيه .. تجيب قلم وورقة وتقول ياللا نرسم شجرة العيلة . أصبل عيلتكم كبيرة تقول لي ده احنا من عيلة كبيرة جدا وبلدنا كبيرة وعيلتنا دى ما تعرف ش تحصيها . وتمسك بقى القلم والورقة وترسم شجرة العيلة كده والأب كان إيه والجد كان إيسه وجد الجد

إحنا دلوقت جايين نرسم شـجرة العيلـة بتاعتنا هـا تبقى الست العدراء هـى أمنا والمسيح هو أخونا البكر "ليكون بكرا بين إخوة كثيرين ". وأبونا السـماوى.

أما أفراد العيلة بقى فمالهمش حدود . يوحنا المعمدان ابن نسيبتها ملك الله اللي جاى يهيئ الطريق قدامه . والقديسين بأنواعهم المختلفة والشهداء والأبطال اللي حفظوا لنا الإيمان ها تطلع عيلة كبيرة جدا .

العيلة دى فى السماء ها تبقى هـــى رأسها المسيح وعلـــى الأرض لأن رأس الكنيسة هـو المسيح . لما إحنا فى الصلاة بتاعتنا بنقول للسـت العذراء إن إنت باب السماء فإحنا نقصــد إن هــى

اللى ابتدأت العيلة .. هى الباب .. هى اللى فتحت السكة . يعنى لا يمكن أبدا إن كان ممكن فيه إنسان بشرى ينتسب إلى الله .. ما تأخذش الموضوع ده ببساطة . مفروض إن الواحد يناسب من طبيعته . يعنى أنا حتى مش بس يناسب من طبيعته يناسب من نفس الوسط الاجتماعى كمان .

أما النسب بناع العذراء ده نسب غير عادى دخلت فى نسب إلهي لدرجة إن إنت لما تقف تصلى وتقول با أبانا الذي في السموات يقول لك بتكلم مين ؟ تقول له باكلم أبويا .. طب أبوك ده إيه ؟ تقول له الله نفسه يقول لك ياسلام معقول كده إحنا دخلنا في يقول لك ياسلام معقول كده إحنا دخلنا في العيلة دى وإحنا أولاد لربنا وبعدين هو كمان زى الست العذراء لما حل عليها الروح القدس وصارت هيكل للروح القدس والسروح القدس حل عليها وطهرها وقدسها . كمان إحنا

بالروح القدس صرنا هياكل للروح وربنا سكن فينا . والمسيح رب المجد لما كنان بيكلم تلاميذه بيقول لهم" أنا ماضى لأعد لكرم مكانا". هم افتكروا أنه ها يوضب مثلا .. هايبنى عمارة هايوضب مكان للسكن هايبنى كنيسة ولا بتاع .. هو رايح هايعد مكانا رايح يوصل وصلة النسب الجديد ده اللي إحنا بيه أولاد ربنا . والكنيسة هي أمنا والمسيح أخونا البكر والعذراء هي الباب اللي فتحت لنا السكة . علشان نخش منها .

علشان كده أول سكة نخش منسها للأسرة المقدسة دى المعمودية ندفن ونموت وتنسهى حياتنا القديمة وبعدين نبقى أو لاد المعمودية وولاد الكنيسة كل ده فسى استحقاقات دم المسيح . دى المعمودية .. دية مليانه ماء .

لكن الماية دى القوة اللى جاءت فيها .. القوة اللى جاءت فيها جاءت فيها جاءت فسى استحقاقات دم المسيح . ولولا التجسد الإلهى ما كسان المسيح صلب ولا تألم ولا مات ولا قسام من الأموات ولا صعد للسماء ولا صنع شئ أبددا . علشان كده إحنا بنقول إن بداية العمل المعمل الإلهى كان في بطن ست العذراء .

اللى أنا عساوز أقوله لك إن الليلة دى إحنا ها نسرح ونفكر في شجرة العيلسة بتاعتسا. ما تقوليش بقى أنا بلدنا الحتة الفلانيسة قسل لى ده أنا بلدنا أورشليم السسماوية وتقولها بثقة .. مرة كان فيه ثلاثة من مصسر راحوا أنطاكية راحوا استشهدوا هنساك ووقفوا قدام الوالسي طبعا هم غرب مش من البلد مش عارفينهم فقالوا لهم أنتم من إين قالوا لهم إحنا من أورشليم السماوية . من أورشايم فراح دعا

العساكر والجنود بتوعه والنساس بتسوع القصسر قال لهم البلد دى فين قالوا له مسا عندناش بلد بالاسم ده هنا .. تعالوا هنا أنتم من أي بلد قالوا له من أورشليم .. أنتم بتضحكوا علي " قالوا له لا بالصدق إجنا عمرنا ما بنكسنب إحنسا من أورشليم مش من هنا وكـــانوا ينطقوا هـذا الكلام بإيمان.. ومره نساس وقفوهم للاستشهاد وقالوا له أنت اسمك إيه ؟ قال لهم أنسا ابسن الله ومرة يقول أنا حامل الإله يعنى حـــامل الـروح القدس .. يقول له اسمك إيه ؟ يقول له صدقنی هو ده اسمی مالیش اسه آخر شانی . ويُصر على هذا الاسم.

أنا بأقول لك القصص دى علشان تتاكد فعلا إن المسيحيين الأوائل كان الشرف بتاعهم انتسابهم للمسيح .. إن همم مسيحيين .. مش مهم تكون حياتهم إيه على الأرض أو تنتهي أي نهاية لكن حالهم إن بلدهسم أورشطيم . هم أولاد الله .. أبوهم السماوى اللي هم بيكلموه .. الكنيسة هي أمهم .

ودى العيلة اللي احنا عملنا لها الشجرة دى دلوقت .. شجرة العيلة دى .. وكما يقسول أحد آبائنا إن أي طفل يتولد .. أول حاجة يعملها البيت أو الدكتور يقطع حبل السرة بتاعته ويفصله عن أمه تتتهى العلاقة بينه وبين أمله .. الحنسان والعطيف والأمومية الحاجات الحلوة دية "يقــول لـك دى أم فـلان. لكن خلاص بيني وبينك العلاقة مقطوع فلي المستوى المادى ٠٠ حتى داود النبسسي قال أبسي وأمى قد تركاني وأما الرب فإيه ؟ فقبلنسي . لكن إحنا حبل السرة بتاعتنا في المعمودية ما يتقطعش أبدآ علشان كده يطلع الطفل من المعمودية يقولوا ده ليه سر مخصــوص يـاكلوه جسد المسبيح ودمه ويعطوا له كلمة ربنسا الله هو الكتاب المقدس ويغسذوه تغذيسه مخصوصسة ليه ؟ .. أصله بقى مخلوق جديد. من عيلة جديدة . الإله اتحد بالناسسوت من العنزاء .. حاجة عجيبة قوى ٠٠ إلــه واتحـد بالناسـوت ٠٠ يعني مش من الجنسس خالص . علشان كده إحنا لما نتكلم عسن المسبح نقسول (مونوجينيس) Wonoxenhc يعنـــي الإلــه الوحيد الجنس.. يعني ما فيش جنــس زيــه أبــدآ لكن هو إيه اللي حصل إنسه دخل فسي العيلة البشرية دى فبقى يقول عن نفسه أنه ابن البشر أو ابن الإنسسان.

لما إحنا بقينا أو لاد ربنا .. بقينا أو لاد ربنا بقيت لنا عيشة مخصوصة .. ارتباطات

مخصوصة .. وأكل مخصيوص ماحدش يفهم الأكلة دى غير ولاد ربنا . والحبل بتاع الصرة ده عمّال يوصل الغذاء ما يتقطعش من الكنيسة .. ممكن تغيب عن الكنيسة شوية. ممكن تسافر تشتغل في بلد بعيهدة وتبعهت كهده جواب لأهلك والأصحابك وتقسول لهم ماوحشنيش غـــير الكنيسـة بتـاعتى .. مشــتاق للتناول .. الله !! .. إيه اللسسى جسرى ؟ طلعت من العيلة .. وما أقصدش الكنيسة المبني .. يعني الكنيسية دي أو الكنيسة دى . لكن أنا حاسس إن فيه حاجة خاصـــة.. مــش مــن هنــا أنا.. وحتى العالم .. العالم نظرته لينا غير نظرته للمسييح .. منرة المسيح قال لهم لا تتعجبوا . مرة يوحنا قــال لا تتعجبوا إن كـان العالم يبغضكـم ..

مرة ربنا سـال إن كـانوا قـد أبغضوني فسيبغضونكم .. أنتم أخذتم الملامــح بتـاعتى .

ولما التلامية أيضا كانوا بيشوفوهم عرفوهم إنهم كانوا معه .. ليه ؟! قالوا لهم لغتكم تميزكم . قال أيه .. لما بقوا مسع المسيح بقت لغتهم تميزهم . لكن الكلم ده مش بنتكلمه على مستوى لغوى أو وعظة مثلا بالإيحاء كده .. دى حقيقة. لو كان المسيح وعظنا وقال هاخليكم إخواتى ما هو كانا إخواته يا أخى في البشرية وخلص .. لا..

وفى مرة مسن المسرات يوحنا المعمدان جه يعمده فيوحنا قال لسه لا مش ممكن أنست الإله وأنا إنسان إيه التوافق بيسن الاثنين مش ممكن قال له طيب جسه موطي يبوس رأسه

قال له أنا نسائب البشرية هنا .. إحنا بقينا دلوقت .. مش أنت قريبى يسا يوحنا قال له قريبك بالجسد لكن إيه اللي حصل .. وأدى درس لكل الناس لازم أوطي .. ينبغي أن نكمل كل بسر لدرجة إن ربنا حسبها على بطرس وقال له ليس ليك نصيب معايا أن ما كنتش إيه ؟ أغسل رجليك .. فواضح جدا إن ربنا يسوع المسيح لما كلم العيلة بتاعته حكى لها مبادئ معينة طبعا فنوق كل دول الست العنراء .

علشان كده السبت العددراء مرة يتكلم عنها يقول إية: أعمال مجيدة قيلت عنك يا مدينة الله ".. أنت مدينة بحالها كل الأسرار سكرى الفرحين فيك بقى أولاد ربنا دولت لما يحبوا يتعلموا ازاى يعيشوا فى الأسرة الجديدة يروحوا للأم الكبيرة . طب ما هى الأم أكثر

واحدة الواحد بتكلم معها وصحيح العسذراء هي المدرسة .

لما أكلمك عن التواضع والوداعة وحياة التسليم لا يمكن ألاقى لك حاجهة عن التسليم أحسن من العذراء "هوذا أنــا أمـة الـرب" لمـا أكلمك عن الإيمان مش ممكن تعرف لما أقول لك إبراهيم أب الآباء برضمه يقنول لك إن إبراهيم كان عالم إن الله قادر أن يقيم من الأموات . معلمنا بولس بيقول كدة . لكن العذراء الملاك بشرها بشارة غريبة جدا قال لها المولود منك يدعي ابن الله . فأنت دلوقت أم ربنا قالت له هوذا أنا أمة السرب .. ده إيمانها مش معقول .. بسلطتها .. قداسستها. صلاة الست العذراء دى لوحديسها مدرسسة .

فأنسا عسايز أقول إن الكنيسة دى اللسي عملها المسيح اللي هي العيلسة بتاعته. العيلسة بتاعته حط فيها العنراء المثل بتاع الكنيسة كله بحيث أن الأولاد كلهم لما يحبوا يترجموا كلام المسيح لحياتهم العملية يبصسوا للعذراء. وصحيح جرّب كده في حياتك إن إنست تشوف العذراء تترفق مثلا فيسي مشكلة تقول نفسي أسلم لربنا وما تعرفيش تسطك إزاى أو تختار حاجة تقول مش عارف أختار إزاى ٠٠ تبص للعذراء دي وتقول يا سلام شـوف العـذراء لمـا كانت تقول هوذا أنا أمة السرب .. طلعوها من الهيكل تقول حاضر .. وتتجوز يوسه النجار سنه ٧٠ ســنة تقـول حـاضر .. يقولسوا لـها هاتروحي البيت بتاعسه وتسيبي السهيكل تقول حاضر.. يجيء لها رئيس الملائكة ويقول لها ها تحبلي تقول حاضر من غير راجل ..

يقول لها ها تولدى ربنا تقول حاضر متواضعة .. ومُحبة وخدومسة وكل الصفات الكويسة تلقيها فيها .

فهى الشجرة بتاعة العيلة الكبيرة .. البركة بتاعة العيلة اللسى حطها ربنا علشان العيلة تكون متباركة .. علشان كدة أنا عايز أقول : الناس اللى ها يحذفوا من شجرة العيلة الست العذراء يقول لك ده أناء اتخلصنا منه أخذنا اللى جوة منه ورميناه . ده طيروا من العيلة بتاعتهم أحسن حاجة .. ده طيروا البركة كلها من العيلة .

إنما العيلة بتاعتنا لازم يكون رأسها صحيح هـو المسيح رأس الكنيسة لكنيسة لكنيسة لكنيسة للمنام الكبيرة في العيلة هي الست العذراء.

سنين كثير اتكلمنا عـن النسـب مـرة ، أو بولس الرسول مرة قال خطبتكـم الأقـدم عـذراء عفيفة للمسيح .. الخطوبة .. الخطوبة دى بتبقى بين واحد وواحسدة . طبعها الواحد لمها يروح يخطب تبقى حاجة كويســـــة . لكـــن يـــروح ينقى حاجة فالصو ما يضمنش .. أنا مش باتكلم عن العنزاء أنسا باتكلم عن الجنس البشرى ككــل . فـالجنس البشسرى كـان فــ منتهي السقوط والاتحطاط. وعليي رأى القديس يوحنا فم الذهب يقسول لمسا المسيح راح يتقدم للجنس البشرى .. الجنسس البشري كان واقع تحت الخطية .. زى هوشع النبسى ربنا قال له روح إتجوز امرأة زانيـــة .. هوشـــع قـــال له صعب على دى تبسهدانى .. تجيب لى الكلام وتجيب لي وجسع الدفياع . قال ليه خلاص روح أنت إتجوز المرأة الخاطية دية.

فالبشرية بتعتبر إن المسيح أخذ جسد صحيح. أخذه بلا خطية منها . لكن علشكان يدخل في عملية النسب معانسا أخسذ جسسد . الجسسد ده ممكن يتضرب بالقلم على وشهه . مهش ممكن تحصل حاشا لله أبدا . لكن إحنا يعني بطبيعتنا الردية جبنا الكلام الوحش للمسيح . زى واحد راح انتسب لعيلة فالصو أو انتسبب لبنت مش كويسة . البنت اللي مش كويسة ديـة جـابت لـه وجع الدماغ . وكـــل واحــد يقـول ده فــلان ده بقت أخلاقه وحشة لأنه ماشى مع فلانة وأخلاقها وحشة مثلا يعنى المسييح أخذ جسد البشرية بتاعتنا وعمله في الصيورة دي فالمسيح إله .. إله لم يره أحسد . الابن الوحيد الذي هو في حضين الآب هيو خير . ممكن تشوف ربنا؟ ممكن .. قـال لـه تشـوفه إزاى ؟

قال له ما نقسدرش تشوفنی وتعیش . ده کسل اللي أنا ها أعمله في العسهد القديسم ها تشوف تابوت العهد وأحل بالمجد بتاعي وأنت ادخل في النقرة واختبئ وأنا أمر وأنت تشهوف المجد بتاعى . فأقصى حاجة هاوريها لـــك يـا موســي في العهد القديم رموز.. هاوريلك العليقة التي بتشتعل وها تقول أميل وأنظــر هـذا المنظـر .. ما أعجب هذا المنظر .. أميل .. وأنظر وبعدين تيجي تميل مدة يقول لكك طيب ارجع لوراء شوية .. اخلع الجزمة اللسي فسي رجليك ليه الشجرة مولعة إيه اللـــي جـرى.. قــال لــه اخلع لأن المكان اللي أنت واقف عليه ده مكان مقدس . قال له أنهت عهاوز تعمل إيه ياربي ؟ قال له هاعمل كثير بــادي لـك شـوية رموز بسيطة جدا لأنك أنت ما تقدرش تاخذ أكثر من كده.

لكن إحنا فني عهد النعمة على رأى بولس الرسول إن الله بعد ما كلم الآباء بالأنبياء كلمنا أخسيرا فسي ابنسه . وجه الابن وأخذ جسد وصار إنسان مثلنا . فإحنا دلوقت المسيح جه أخذ جسد زيى له لحصم ودم . ولما انضرب في جنبه ينزل دم. إذا انضــرب بالقلم على وشه برضه يتالم . إذا إتف على وشه يتألم . وإذا شاف منظر مؤلسم مثلا زى لعازر يبكي . وإذا شاف ناس متألمين في عسرس قانا الجليل برضه يحط ايده ويعمل لهم حاجة. المسيح نزل وشاركنا فيسي كيل الحاجات ديية لكن كمان احنا جبنا لــه (بينسى وبينك) وجسع الدماغ . علشان كده المسيح لفت نظرنا في منتهى الهدوء قسال خلسى أعمسالك تبسع العيلة علشان ما تخسروش سمعة العيلة .. العيلة

المسيحية .. لـــيرى الناسس أعمالكم الصالحة ويمجدوا أباكم الذي فين .. مسش ها يمجدوكم أنتم ما هي كده .. تيجي يقولسوا دول من عيلة . أصلهم كويس فين أبوهم فين ؟ يقولـــوا لــه فــي أورشليم . علشان كده لما يكتبسوا في الجرايد الكلام الغلط الكثير ده يقول لك الانحـــلال واللــي مش عارف إيه اللي في الغرب ، والمسيحية اللي فشلت في إصلاح الإنسان ده البسي آخسره. النظم السياسية والاجتماعيسة والمسيحية بوظتها. شفت بقي آدي المسيحيين جابوا الكلام لأبوهم .. ما الولد الخايب يجيب الكلام لأبوه . فلما المسيحيين بيجيبوا الكلام لأبوهم السماوى .. لما المسيحيين لما يبقوا قديسين حتى مهما عملوا في الدنيــا ديـة .. حتـي لـو العالم احتقرهم برضه زي ما قسال المسيح في مرة "أنتم ملح الأرض وأنتم نسور العسالم ".

الموضوع مش موضوع بسيط .. العيلة دى اللي عملها المسيح قال دية تكون تملح العالم كله لأن العالم عادب مافيهوش ملح يا خسارة عيلة .. عيلة محترمة جدا انتسبنا لها.

المسيح تنازل تنسازل لا نهائي قالوا له تتجوز البشرية الزانيــة دى .. أتجوزهــا وأصلحها .. ها تجيب لكك الكلام .. دى مسش ثابتة على حسال .. قال لا .. بأحبها .. مين يهمه ذاتك ؟ ده المسيح إيه اللسي نزله إلا حبه لينا .. حبه ليك ولى . مين يهمه ذاتك ؟ ولا فيه قوة في الوجود تنزل المسيح ويأخذ هذا الجسد جسد العار وينتسب لينا ونجيب له وجع الدماغ في الفـــترة ديــة إلا محبتــه لينــا .. ولا توجد قوة في الوجود تستطيع أن تربــط المســيح على الصليب أو تقيده إلا محبته لــــي .. مافيش

قوة في الوجود .. ده الإله الخالق اللي إحنا بنسميه الضابط الكل . إزاى هو يتربط ؟! إزاى يتّف على وجهه ويطعن ؟!

فإحنا في العيلة المقدسة دي علشان كده لما نتكلم عـن الكنيسة نقول كنيسة مقدسة جامعة رسولية . شوف حطها في الأول إيه كنيسة مقدسة. ولما يتكلم معلمنا بولس في الرسالة إلى العبرانبين يتكلم كده ويقـــول الكــلام ده . إن المسيح هو البكر بين الأخروة الكثيرين " لأن المقدس والمقدسين جميعهم مسن واحد " لأجل هذا السبب لا يستحى أن يدعوهم إخوة وقال أخبر باسمك إخوتي في وسلط الكنبسة .. وفي وسط الكنيسة أسبحك .. وهانذا والأولاد الذين أعطانيهم الله . إذ قد تشسارك الأولاد فسي اللحم والدم. طبعا العيلة كلها لحسم ودم واحسد اشترك هو كذلك فيسهما .. تسزل وأخد اللحم والدم لكى يبيد بالموت ذلك السذى لسه سسلطان الموت أى إبليسس .

لقى النساس .. لقسى النساس أو لاده إبليسس مهلهلهم قال لا .. ده العيلة بتاعتى دى إبليس ما يقربش منهم ٠٠ إبليس قال إنهه واخسد صلك على كل واحد . هو أنسا كنست غصبست آدم و لا ضربته على إيده . أنا قلست لسه تسسمع كلامسي وتسيبك من ربنا قال لي أحسن . أنا ما ضربتوش على إيده هو جه بإرادته . قال له وأجرة الخطية إيه ؟ موت .. قال له أدفع ثمنها على الصليب . علشان كسده يقول لك " لكى يبيد بالموت ذلك الذى لسه سلطان المسوت أى إبليس " .. ويعتق أولئك الذيب خوف من العبودية كانوا جميعا كل حياتهم تحست العبودية من ثم كان ينبغى أن يشبه إخوته في كسل شيئ لكى يكون رحيما لأنه فيما هو قد تالم مجربا يقدر أن يعين المجربين مثلنسا ".

فشاركنا وتنسازل واحتمل بسببنا حاجات كثير وخطبنا ليه عروس . وعساوز أقلول لك مش احتمل المسيح بيحتمل لغاية النهاردة . عايز أنبهك إن ميزة العيلة بتاعته كل حركة بتعملها منتسبة ليه حتسى ولو كانت أوضتك مقفولة وماحدش شايفك . الخطية موجهة لأبوك مباشرة وطعنة في جنب المسسيح علشان كده بولس الرسول يقول "تصلبون الأنفسكم ابن الإنسان مرة ثانية وتشهرونه " يعني بيصلبه من نفسه هو مرة ثانية ويشهره. علشان كده إحنا مسا بنحسش بالخطية وربنا بيدينا قوة ونتوب عنها علشان خاطر هي بتجرح المسيح ودى مسش من طبيعة العيلة بتاعتنا .

طبيعة العيلة بتاعتنا القداسة "لكي بكون المقدس والمقدسين جميعهم مـن واحـد . " كنيسة و احدة مقدسة جامعه رسولية . تقــول لــي يعنى المسيح عمل العمل سيمر وصبور وغيير ف_ ، الحياة بتاعتنا طبعا . أنت تفتكر إن المعمودية دى ما خلقتش نــاس غـير عـاديين. خلقت ناس غير عاديين هم القديسين دول ما أخذوش غير المعمودية وأخذوا السروح القدس اللي هو العربون. قال إيسه .. بقسوا قديسين .. بقوا قديسين .. الشياطين تهرب منهم .. يقول لك المناديل والمسآزر اللسى كسان مربوط بيها بطرس وبولسس كسانت تشفى الأمراض وتخسرج الأرواح الشسريرة .. أكسبر عسدو . علشان بولس نال سر العماد بقي ابن لربنا حتى الخرق اللي ملفوف بيها بقت ترعب

الشياطين .. بقــت ترعـب الشــياطين ويقولـوا عن أنبا صربامون أبسو طرحسة بتاع المنوفية وده قديس معاصر كان لما يرش الميه كده وهو طالع من الكنيسة كانت الشاطين تتنطط وتصرخ وتخرج .. وفي مرة من المرات بنت محمد على باشا كان اسمها زُهـرة كـان عليـها روح نجس وبعت لسه البابسا بطسرس الجساولي جواب وقال له تعال الوالى عايزك تصلى لها قال له أنا .. قال له أنا معنديش إمكانية ولا قوة و لا حاجة قال لــه أنـا بـاقول لـك بـالأمر تروح تصلى لها .. ولمسا لقسى البطسرك شسادد عليه قوى قال له طبب هات الصليب بناعك وهات لى شوية ميه صلى عليهم كمان وأنا أخذهم وبالصليب بتاعك نصلى لها وأخذه وطلع الشيطان.

إنا عايز تقول بس إن العياة دية مافيهاش قوة . يقولوا لك المسيحيين فيهم ضعف . يعنى ده إحنا اللى ضعفنا نفسينا لأننا أسأنا لنفسنا وبقت الخطية وحشة . زى الابن الضال لما راح لكورة بعيدة أساء لأبوه . وهو كمان بقى ضعيف وبقت العيلة تعبانة خالص بسببه . وبعدين هو ما بقاش فيه قوة لكن الكنيسة لما إتكلم عنها سفر نشيد الأنشاد هذه المرهبة كجيش بألوية !!

المعمودية بتغير حياة الإنسان كان لينا طبيعة كان الشيطان يتنطط فيها زى ما يعجبه. تعرف المعمودية بتجدد الشيطان ليه ؟ لأن الشيطان أصلك دول أولاده ساكن فيهم شوف في العهد الجديد يقول لك إيه ؟ أنتم هياكل الله وروح الله ساكن فيكسم .

على كسل يسا أحبسائي هسي دى العيلسة الجديدة اللسي دخلتنا فيسها الست العذراء. وإحنا هنا أخذنا العربون أوزي ما بيسموه المهر أو زي ما بيسموه لما تيجى ترتبط بحاجة بتدفع جزء والباقي عند النسليم الكامل. فتقعد إنت في العالم هنا تقضيي الأبيام بتاعتك وتتاجر في الوزنات وتسلك كما يحق لأولاد ربنا وتعمل الأعمال الكويسة وتفرح العيلة بتاعتك ولبيري الناس أعمالك الكويسية ويمجدوا أباك الدى في السموات وتقعد تتعرف على أقاربك من أول آدم تقــول إبراهيـم ده أبويا أبونا إبراهيم واسحق ويعقوب وداود النبى والست العذراء دى أمنا فتحست لنسا بساب السماء . ولما يكمل جهادنا ما هـو إحنا آخذين العربون .. العربون هـو الـروح القـدس اللـي ساكن فينا . بعد كده نأخذ كل حاجــة .. كــل مــا هو للآب فهو لـــى . والــروح يـاخذ ممــا لــى ويعطيكم آخذكــم وأصعدكــم عــن يميــن الآب . طب ياربى إنت ناوى تخطــب الكنيســة وتكــون العيلة دى على الأرض ؟ قــال لا . . أنــا عــامل زى اسحق ابــن إبراهيــم لمــا إبراهيــم قــرب يموت جاب العبد وقطــع معــاه عــهد قــال لــه تروح عند لابان وتشــوف عــروس مــن هنــاك من الجنس بتاعنــا علشــان تتــن العيلــة نظيفــة وترجع وتســكن هنــا فــى أرض الغربــة اللــى اتغربت فيــها .

فالمسيح نزل مسن السسماء مخصوص . مش هو عريسنا السماوى علشان يكون العيلة. فالآب اطلع من السماء فلم يجد من يشبهها الست العذراء . . أرسل وحيده الابن الوحيد ربنا يسوع المسيح . قال له خذ الجسدده .

خذ الجسد ده اللي ها يجيب لك الكلام علشان تتسب للعائلة دية وروح شوف عروسة . فخطب الجنس البشرى . خطبتكم لأقدم عذراء عفيفة . قالوا له تدفع عربون إيه ؟ قال أدفع عيون إيه ماتبرحوش دمى عربون وآديكم الروح القدس ماتبرحوش أورشليم حتى تلبسوا قوة من الأعالى . أديكم الروح القدس أيضا عربون ولما تيجوا السماء الروح القدس أيضا عربون ولما تيجوا السماء كل مما للآب ها يكون ليكم هناك . مش ها يكون فيه عربون . ها يكون فيه ملكية دائمة ها نكون كل حين مع الله .

فإحنا نقدم الشكر للست العذراء الله هي باب السماء . ودخلتنا الأسرة الكبيرة دية في ليلة عيدها نقول لها يها ستى يها عذراء ساعدينا علشان نكون أولادك فعلل وأولاد المسيح ونشرف العيلة بتاعتنا بأعمالنها وأقوالنا وبسلوكنا فسي البيت وفي العمل .. الطفل

والشيخ والبنت والولد . كلنا عيلة واحدة منتسبين للمسيح وللكنيسة وللست العذراء . لإلهنا المجد دائما أبديا آمين .



٢ ـــ العاراء مصدر الأفراح

معلمنا يوحنا الإنجيلي بدأ حديثه عن خدمة ربنا يسوع المسيح بمعجرة قاتسا الجليل فقال إن هذه كانت أول المعجزات صنعها ربنا يسوع المسيح فآمن به تلاميذه إذ رأوا مجده آمن تلاميذه به إذ رأوا مجده

فأولا يا أحبائي بدء خدمة ربنا يسوع المسيح كاتت فرح .. كساتت عسرس . فالمسيحية عسرس مفرح . المسيحية فرح وتسهليل وبهجة . مريم اختسارت النصيسب الصالح الذي لن ينزع منسها كانت فرحانة .. المسيحية فرح .. بولس صاحب اللسان العطر قال لي كل ما كان لسي ربح حسبته نفاية . فولس قال أفتخسر في الضيقات .. المسيحية فرح مفيهاش كأبسة ولا اكتئساب ولا حنزن ولا

ضيق. ليَّ الحياة هـــى المســيح والمــوت أيضـــا فرح .. ربــــح .

فقصد ربنا يسوع المسيح إنه يبتدي آياته ومعجزاته بعسرس لكسى نستطيع أن نقول إن مسيحيتنا كلها عبارة عن وليمة وعسرس لابن ملك اللي هسو الآب السماوي. وبعت ابنه الحبيب للعالم ودعا المدعويسن عشان يتمتعوا بالعرس . وهيي دي الكنيسة . الكنيسة بنسميها العروسسة . هذه هي أول آيسات صنعها يسوع . آية فرح وآية عسرس مسا اللسي يهمنا في هذه الليلة إن اللسي السبب في الآية دى وفى المعجرة دى السست العسذراء. فالعذراء هي بدء الأفسراح فهي اللسي فرحست فرحت الناس بتوع العرس وجهابت لهم الخمر اللي عوزينه وطلبت من ابنها وقال لــها الوقـت

ما جاش ولم تأت ساعة رجوعـــى لـــلأب قــالت له فرسّ الناس ففرحهم . فالعذراء بسدء الأفسراح وأيضا الست العذراء هي البساب اللسي بنسميه باب السماء . ليس أننا تدخل السسماء بالعذراء تحن تدخل السماء بدم المسيح ولكسن العذراء ورتنا السكة . التلاميذ دول مشيوا مــــع المسـيح كتبر وعارفين وشسافوا معجهزات وأخهد بهالك ودعاهم بأسمائهم واحسد واحسد وقسال لسه يسا نثنائيل أنا أعرفك وأنبت تحبت شبجرة التين وقال لبطرس تعال وأندراوس وفيلبس . لكن في معجزة قانا الجليل يقول كده إن الست العذراء فتحست ذهن التلامين فسرأوا مجده. عرفوه يعنى معنى كده ما كانوش عرفينه قبل كده فعرفه التلاميذ إذ رأوا مجده لأن العنراء لو تأخد بالك هـى تمـلا الكنيسـة فـرح يعنـى الفرح بتاعها عجيب لأنسه فسرح يحسول النفس

الإنسانية لمحبة المسيح . طبيعة العذراء كده حتى في ظهورها في الزيتون ناس كتــــير كــانت تقول هو إيه المجسد الكثير ده للعنذراء ؟ ما كانت تظهر إلا لازم تقسرب القلسوب للمسيح، تفرحهم وتوجههم لمصدر الفرح ، وتسحد قدام الصليب . العذراء بنسميها بـاب السـماء ليـه؟ باب السماء لأنه عـن طريقها التلاميـذ شـافوا مجده وعرفوه وأحبوه وهي لما قالت لسهم قالت للخدام كل ما يقوله لكـــم كنل مـا يقولـه لكـم فافعلوه مكنتش بتلفست الأنظار لنفسيها لكن كانت طبيعتها تفرح الناس بابنها حتى ولــو هــي ماتاخدش ظاهريا الفسرح اللسى فيسه وده اللسي خلى الكنيسة بتاعتنا بإرشاد الروح القدس تقول العالم كله يفرح لقبوله الخلاص أما أحشائي فتلتهب عند نظرى إلى صلبوتك الذي

أنت صابر عليه من أجل الكل بـا ابنـي وإلـهي" وفرحانه العذراء لأن العالم كله فرحان لقبوله الخلاص العذراء الباب بتاع السسماء ليه ؟ لأن زى ما بيقول المزمور الحق أشرق من الأرض والعدل اطلع من السماء هو فيهه ممكن العدل والرحمة يتقابلوا ؟ اتقابلوا في بطن العنذراء إحنيا دلوقيت ممكنن الناسيوت فيي الإنسان يتقابل مع ربنا لا يقدر أحد أن يراه ويعيش ولكن في العذراء اتضحت لينـــا السكة. الكلمة صار جسدا وحل بيننا وأخسذ السذى لنسا وأعطانا الذي ليه . عشان كده العذراء هي السكة الباب فتحت لينا السكة في البطـن بتاعـها بتسميه الكنيسة فسي التسبحة المعمل الإلهي. المعمل اللبي بيخش جوه المعمل بيعملوا تفاعلات وحاجات يطلعوا مسواد جديدة فسي خلقة جديدة بيقول عنها معلمنا بولس الرسول

في رسالته لأفسس مخلوقين .. مخلوقين في المسيح يسوع لأعمال صالحة سببق الله فأعدها لنا مش خلقة زى الأولانية من الطين مخلوقين كأعضاء في جسم المسيح . التسبحة تقرل عن العذراء إن هي العجينة بتساع البشسرية . ربنا عجن البشرية كده وحبب يخلقها خلقة جديدة ويكون هو رأسها . فجه وأخد حبة كده من وسط البشرية عجنة كبيرة كسده واحسدة عجنت عجبن جت و اخدة حتة عجينة كده مــن النصـف وبططتها كده ودخلتها الفسرن طلعت مطبوخة كويسس يبقسى العجين كلمه جماهز ومختمر وكويس .. فالعذراء هى العجينسة بتاعسة البشرية كلها العندراء حسب إيمسان الكنيسة بتاعتنا وإيمان كسيرلس عمسود الديسن العسذراء اللى عملت لنا التوحيد الوحدانية في الله.

يعنى الكنيسة بتاعتنا كنيسة التوحيه فعسلا لأننسا لا نؤمن بطبيعتين لكن لكن نؤمن بطبيعة واحدة من طبيعتين يبقى مش مسألة عقيددة بسس للإستهلاك الذهني لأهي أكتر مـن كـده بكتـير أكتر من إن هي عقيدة أو طبيعة كده وخلاص لأدا معناها إن الله بيدخــل فــى حياتنـا ويبقــى . واحد معانا وبعدين بيقول مـــع بولـس الرسـول لا أحيا أنا بل المسيح يحيا فـــيّ إذا أنـا مبقتـش موجود دا أنا مبقتسش موجسود بقسى المسسيح موجود في . فدية حتة مهمة جــدا .. مـن غـير العذراء مكناش نقدر نفهمها تقعهد تفهمني من هنا ميت سنة إزاى الإلــه يبقــى مـع الإنسان يبقى واحد متتفهمش ولا تتفسر لكـن أقـول لـك شفت والكلمة صار جسداً شفت المعمـــل الإلـهي شفت البطن بتاع العذراء هناا التوحيد عشان كده الكنيسة بتاعتنا بتأمن بالتوحيد متأمنش

بالثنائية . حتى الناس اللي بيكلموا عـن التوحيد هما مبيفهموش التوحيد لأن الثنائية ظـــهرت فــي أريوس لما قال إن المسيح .. الآب غير الابن وفي نسطور اللي ظهر في شمال العراق وفي العراق وفي شهمال الجزيرة العربية ونرل لتحت والحتبت ديبة ونسطور أصلبه ببامن بالطبيعتين عشان كده تلاقيه يتكلم عن المسيح إله كبير خالص ويتكلم عليه الإنسان الصغير خالص . طبيعتين ماشين مسع بعض ولما تبحث الحتة دية فسى الأديان المختلفة تلاقيها واضحة زى الشمس . مرة يطلع المسيح لفوق خالص ومرة يسنزل يبقسي ابن آدم غلبان خالص. ده دولت اللسي بيتكلمسوا عن التوحيد ميفهموش التوحيد . التوحيد تنم فسي بطن العذراء . إن جينا نسسمي الكنيسة دى نسميها

كنيسة التوحيد لأن فعلا كييراس عمود الدين هو اللي أرسى في الكنيسة كلها على مستوى العالم كله وعلى مستوى الأجيال كلها التوحيد في المسيحية . إن طبيعة واحدة من طبيعتين. دى بقى تخليني أنا الإنسان الغلبان المسكين أقول أستطيع كل شئ في المسيح السندي يقويني حينما أنا ضعيف فحينئذ أنا قـوى أفـهم الإنجيـل كويس لما يتقسرى إنجيال زى النهاردة بتاع مرثا ومريم اختارت النصيب الصالح . أيوه صح الذي لا ينزع منها ليه ؟ خالص لزقت فيه اتحدوا مش ممكن يتلنزع منهم والرسول بولس يقول من يستطيع أن يفصلني عــن محبـة الله التي في المسيح يسوع . مفيش حاجة قوة خلاص يعملوا اللي يعملسوه أنسا بقيست النفس بتاعتى اتحدت بالله.

وإحنا يا أحبائي ابتدى القديس كبيراس عن طريــق السـت العـنراء يفرح البشرية فيوريها إن الاتحاد بين الإنسان وبين الله اتحاد زيجي زي الزواج هدذا السر عظيم .. سر الزواج. أقوله من نحو المسيح والكنيسة المسيح وإيه ؟ والكنيسة . فــالعذراء هـى باب معرفة ربنا عشان كده إحنا بنسميها باب السماء . متعرفش تخش للمسيح مظبوط إلا عن طريق أمه أي واحد ممكن يقول لنك أنسا أعرف المسيح طب روح اعسرف المسيح لكن عاوز تعسرف المسيح مظبوط اعرفه عسن طريق أمه .. لوقا الإنجيلي كتـــب لينا أسرار يسوع كلها منين من مصاحبته للعنزاء لولا لوقا صاحب العذراء مكنتش كشفت لسه أسسرار الحبل الإلهى والأسرار العجيبة اللي في السر.

اللي يعرف المسيح ويحاول يعرف المسيح بره من سكة ثانية غير سلكة العلذراء أعسرف إنه هيضل في السكة عشان كده اللي يقسول لك دى قشرة وقشرناها ورمناها وخلصنا قول له أنت حر لأن أنت مـش هـاتعرف إزاى الاتحـاد بطبيعتين إذا كانت قشرة وأخدنا العلبة ورمناها يبقى الجسد حاجهة واللاهوت حاجة يبقى يسا بطل وقعت فسي النسطورية من جديد . لكن إحنا بنقبول بوحدة الايسه ؟ الطبيعسة . فسالعذراء البساب العسذراء اللسى علمتنسسا التوحيسد العسذراء اللسي دخلتنا في اتحاد زيجي منع المسيح لا ينفصك وخلت المسيح هو رأس الكنيسة. العذراء اللي ابتدي المسيح بيها معجزاته. وحول الماء خمر وفسرح النساس ومسلأ قلبسهم الايه الفسوح.

الموضوع بتاعنا بنعمة المسيح في الجزء ده العذراء دى مش إحنا بنتكلم عليها النهاردة بنقول هي مصدر الفسرح وكسل قداس نصليه نبتدى نقول كده افرحى يسا مريسم العبدة والأم . كان الكنيسة كلها من وراء الست العذراء يعنى ممكسن تسسرح فسى المنظر ده.. طابور طویل کده والعسذراء واقفة إیسه ؟ فسی المقدمة نقول لها افرحى يا مريسم عشان إحنا كمان إيه ؟ نفرح يا مريم العبدة والايه ؟ الأم. شوف عبدة وأم التحموا مع بعصص فصارت أم الله بنسمیها ثیوطوکسوس ده موضوع حیاتنا النهاردة موضوع حياتنا . هسى شقيعة جنسنا هي اللسي بتطلب لغايسة النهاردة من أجل الكنيسة وتقول ليس ليهم خمسر تفرح الكنيسة ارعاهم . هي اللي بتطلسب مسن أجل البيوت

بتاعتنا . اللي بتطلب من أجل ولادنا . هي اللي بتطلب من أجل فرح الحزانسي والمتالمين. ما هي مجروحة في قلبها على الصليبب داقت كل حاجــة . التلاميــذ ماســتغنوش عنــها بعــد صغسود المسسيح كسانت معساهم دائمسا كسانوا يتباركوا منها . العذراء كرزت بصمتها وكانت مفرحبة ومعزية يروحوا مشاويرهم ويرجعوا تعبانين ويقعدوا معاهسا يشبعوا منسها ويفرحوا . إيه رأيك إن إنست كل ما تقرب وتبص للست العذراء مش تخهش كنيستها بسس تبص لصورتها تفرح . منساش واحدة ست طيبة في يوم مسن الأيام كانت بتتكلم على زوجها الله يرحمه وبتقول لي بعد ما نزل وراح الشغل بعد ما نـــزل السـلم ومشــي فــي الشارع قال أنا نسيت آخد بركسة من العدراء وأسلم عليها . فرجع ثاني البيت يبــوس صـورة

العذراء في اليسوم اللسي وصلل فيسه للسماء. العذراء لناس معينين كانت بتفرح قلبهم. العذراء لغاية النهاردة تلازم الكنيسسة في كل الظروف بتاعتها . القديس سيدهم بشساى كانوا بيضربوه يحطوا الزفت علىي وشه ويكسروا في عظمه وبعدين وهو تعبان منهمك خالص كده خلاص قعد على الأرض قلاال لهم هاتوا كرسى للست . خلوا الست تفعد يضحك وا عليه إخواننا يقولوا الراجل بيخسرف الراجسل بينادي لمراته مع إن هو كــان شـماس مـش متجـوز هاتوا كرسى للست أصل الست العسذراء كسانت واقفة إيه ؟ قدامه فهو مستغرب إزاى هـو قاعد إزاى هو قاعد والسبت واقفة. أصبل السبت جت له و هو بيتألم وبيستشهد فجيت في ريحه وقالت له كده قالت له إيه شــافها جايـه تعزيـه فصعب عليه إن هي واقفة وكتير مـن القديسـين جت لهم العذراء وطيبت خـاطرهم.

الموضوع اللي أنا عساوز أتكلهم عنسه إن هذا الفرح اللـــي إحنا بنتكلم عليـه الليلـة أو النهاردة أو في الأجيال بتاعتنا كان هو موضوع انشغال الكنيسة عسبر الأجيسال قبل المسيح بالأف السنين من أول آدم قبل المسيح • • ٥٥ سنة الكل مشعول بالعذراء لأن ساعة آدم ما طلع من الجنة طلع حزين تعبان ملوش رجاء . فربنا قال له هديك رجاء قسال له إيه؟ قال له هنيجي واحدة من نسلك بـــس مـش مـن تسل الراجل مسن نسل المسرأة ويسحق رأس الإيه الحية ويسحق رأس الحية فطلع آدم فرحان على هذا الرجاء . إحنا وإحنا بنعمل التمجيد الحلوده بتاع العنزاء ها أقولهولك بالعربي دلوقتي عشان تشوف قسد إيه الكنيسة

القديمة عاشت في أفراح العدزاء وده مـش هـايبقي مبالغـة فــي كلامـي . قبل العنزاء ما تيجي العنزاء بيقسول عليها تهليل حسواء وفسرح هابيل . العذراء كانت مصدر فرح كبير جددا.. حواء ؟! أيسوه حسواء الأولانيسة ديسة طلعت منكدة من الجنة وحواء طلعيت حزينة. ملهاش أمسل ممكن تقسابل رينا .. حواء كانت تسمع صوته الصبح راح اللي ليسها راح خسلاس. واحسد راح كل اللي ليه .. تحب تسمع صوت ربنا الصبح مع ريح الصبح راحت فقدته . فحواء الثانية الست العذراء قالت لها مش هاتسمعي صوته ده هیجی ویعیش فیك ویحل فی بطنك فالعذراء صارت مصدر فرح وتههيل لحسواء.

فالكنيسة لما تتكلم عن العهذراء تقول لها يا ست يا عذراء . ده بالنص يعنى إنـــت تـهليل حواء وتقول لهابيل وكل القديسين تقــول لـهابيل إنت تهليل هابيل الصديق . هـابيل قدم ذبيحـة غلبان أخوه جه قتله مفيش أمل ولا حاجة قالت له لأ ما هو ابني أنا هقدمه ذبيحة إنت اتقتلت على مثال ابنى فسافرح وتسهلل. إبراهيسم أبوكم اشتهي أن يسرى يومسي فسرأي . فسرح و تهال شاف كل ده .. عشان كده يا أحبائي العذراء غنية غنية جداً . غنى فظيع هي فتاة بسيطة ممثلة للجنس البشرى لكنها غنية غنية غنی فظیـــع زی ما کنا بنقول إمبارح إن الكنيسة في شهر كيهك في الأحد الأولاني تقرأ الإنجيل بتاع فلسى الأرملة المزمسور يقول كده الرب اطلع من السنماء إينه سنمع تنهد المغلولين من أجل شقاء البائسين وتنهد

المساكين والبائسين أقسوم يقول السرب أصنع الخلاص علانية . العذراء الكنيسة بتقسرا إنجيل الفلسين . فلسين .. فلسين فيه أقسل من فلسين حطوهم في الخزانة المسيح قال دية أعطت أكثر من إيه من الجميسع . من الكل . ليه ؟ أعطت كل ما لها . الآب السماوي أعطي كل ما ليه أعطى ابنه الوحيد أعطى كـــل مـا ليـه. الست العذراء أعطت الكنيسة كل مــا ليها إدت الكنيسة كل حبها .. احتملت كل شهر من أجل المسيح .. أعطت المسيح كــل شــئ .. أعطـت كل ما ليسها مكنش فسى حاجسة للعنزاء لأى حاجة ثانيـة .

عشان كده العذراء بنسميها الغنية جداً الفقيرة الغنية . العذراء كانت غنية جدا جدا جدا جدا غنية في تواضعها غنية في تواضعها

عادية إنسانة زينا لكن فسي التواضيع كل ما تديها نعمة لدرجة إن ربنا يسكن في قلبها يسكن فسي بطنها تقسول نظسر إلسي اتضساع خدامته . فتزداد اتضاع والواحد بس لــو برتفـع شوية يتنفخ شوية لما يبقى ليهه مركر بسيط. العذراء غنية في الاتضاع غنية في الإيمان إبراهيم متجوز بسس مراتسه عجسوزه آدى كل الحكاية ربنا قال له هتجيب ابــن ضحكـت هـي قالت معقول كلام ربنا . العذراء مسش متجوزة مش هتجیب ابن وبس هتجیـــب ابـن اسـمه الله ربنا . ترد تقول هوذا أنا أمة السرب ليكسن لسي كقولك . إيه جاب إيمسان إبراهيم اللسي إحنا طالعين بيه السماء وبنقسول إن ده أعظم إيمان في تاريخ البشرية في ريسح إيمان العنزاء ؟! العذراء غنية عشان كده العهذراء غنية وغنت الكنيسة . الكنيسة النهاردة غنية بالغنى بتاع

الإيه ؟ العذراء . غنية في تواضعها غنية في إيمانها غنية في حبها . إنت مالك إنت بالناس بتوع الفرح دول ليس لهم خمر .. ما أطقتش أشوف ولادي ولادك يساربي يستوع زعلانين لازم يفرحوا . عشان كده سمعان شافها بالنبوة قال إنت يجوز في قلبك سيف . غنية في فهمها لكلمسة الله ولأسسرار الخسلاص كانت تحفظ هذه الأمور متفكرة فسي إيسه فسي قلبها .. غنية غنيــة غنيــة .. الكنيسـة بتاعتنــا غنية على غنى العذراء . الأنبياء إتغنوا عا غنى العذراء .. التمجيد يقول إيسه ؟ إنست علسم حزقيال . حزقيال حزقيال عالم مثلل عالم في السذرة ولا عسالم فسى الصواريسخ والحاجسات دية .. على الأقل الحاجات ديهة لها نظريات وبيوصلوا لها بالدراسة لكسن حزقيال

قال كسلام صعب اتكلم عن مركبة نارية وبتتحرك حيث ما يسير بها السروح تسبير ولسها عجلات وبكرات والجالس عليها فوق أنست هي علم حزقيال أنتِ اللي عرفتينا حزقيال عاوز يقول إيه عاوز يقول إن إنستِ المركبة النارية ديهة اللي راكب عليها رب المجد وبتتحرك حيث ما يحركها يسيرها الروح تسيير .. روحي لمصر تروح .. تعالى ارجعى لمصر ترجع . أنت علم حزقيال . حزقيال قال عنك أنت باب فــي الشرقية باب دخل منه الملك وطلع والباب مغلق . معقوله دية باب واحد دخــل منـه وطلـع والباب مـا اتفتحسش .. فــزورة ديسة ولا لغــز ؟ ده علــم حزقيال مين يعرف في العلهم ده ؟ فسرته لنها الست العذراء . إذا حزقيال وهو بياخذ الرؤية بتاعته من ربنا . أنا بـادى لـك أمثلـة بسيطة كان محتار فتيجي له الست العهذراء وتقول له معلش كل ده يتحل . أما دانيال العجيب فيقول لها كده أنتِ نعمة دانيال دانيسال قعد ٧٠ سنة مسكين مسبى في السبى لا فيه أمــل ولا رجـاء. تقوم الكنيسة تقول هي دي كسانت نعمة دانيال جاله الملاك في يوم مسن الأيسام قسال لسه هسا أفرحك . قال له قــول هتقـول إيـه ؟ قـال لـه هاقولك المسيح هيجي أمتى قال لــه بجـد أقـول قال له هايجي مستن العسذراء بعسد ٧٠ أسبوع ٦٢ أسبوعا وسبع أسابيع وأسبوع يبقوا ٧٠، ٠٧ × ٧ بـ • ٤٩ سنة تحسيهم بـاليوم تلاقيهم ٠ ٩٩ سنة وصل المسيح فدانيال اتعزى بعد ٧٠ سنة . فبنعمة دانيال دانيال فسرح يا سلام في غربته دانيال فرح . أمــا موسـي فالكنيسـة تقول عنها أنب كرازة موسى . كرازة

موسى . موسى كارز ؟ موســـي قــائد شــعب ، موسى كل المعروف عنه إنه طلع عللي الجبل وقال له أن يصنع الخيمــة علـى شببه المثـال الذي أريك إياه . يا ترى ورا لــه إيـه فـوق ؟! معلش يا إخــوة نقـول ممكـن يكـون وراه لــه العذراء فوق لازم يكسون وراه العسذراء فسوق. ما سبق ووراها له مرة كسانت العليقة بتشتعل وجه يقرب قال له ابعد شوية عشان إنست ماش عارف إنت فين دلوقت دية الست العدراء قال له إيه ده والعليقة اللي بتشتعل لـو تسال واحـد ثاني من الناس العساديين اللسي فسسروا الكتاب المقدس يقول لك دى معجزة كويسة في العهد القديم . لما تسأل واحد كسده من ولاد العنذراء يقول لك لأ دى كانت العدراء العليقة التى تشتعل فيهها النسار ولا تحسترق . يبقسي هي العذراء . ملء اللاهوت يحل فيها جسسديا تبقى

هى العذراء ومن وسط العذراء يقسول له إيه أنا إله آبائك إبراهيم واستحق ويعقوب وأنا جاى عشان أخلص الشعب ده وإخلع بقى جزمتك وقف بعيد بقى شوية يا موسى إنت واقف قدام مين قدام العسذراء .

داود النبى فى العهد القديسم شاف تابوت العهد جاى فشاف العندراء شاف العندراء فرقص قعد يرقص من الفرح بقى قسدام الإيه ؟ قدام تابوت العهد . فمراتسه كانت بتبص فى الطاقة من فوق قالت له إنا كنات تفضيح النهاردة وكنت صغير فى عينيان شعبك . قال لها إزاى دا أنا بأرقص قدام تابوت عسهد السرب الحتة اللى هيسكن فيها ربسى الله لا يسكن في الحتة اللى هيسكن فيها ربسى الله لا يسكن في مصنوعات الأيادى دا هو اللسى خلق العندراء واختارها وجه سكن فيها . فى التساحة بتاعتال

بنقو ل بالنص كــده إذا كـان داود رقـص قـدام تابوت العهد أمال أنا أعمل إيه قدامك ياسست يا عذراء لما آجسى اتكلم عن كراماتك وعن الايسه ؟ عن أفراحك اللبي عمّت الكنيسة وفرّحت البشرية كلها. قال له تعمـــل كــل شـــة حسب المثال الذي أريك إياه . قسال لسه حساضر وريني المثال قال له خشب لا يسسوس قسال له حاضر. مش فاهم حاجة فهمني قسال لسه خشسب لا يسوس رمز لطهارة العددراء لأن العدراء دائمة البتولية وطاهرة . قال لــه فـهمت ؟ قـال له وتغطيها **بالذهب** من بـره ومـن جـوه رمـز للنقاوة. قال له فهمت ؟ وقعد إيه يرسم لــه فــى صورة العذراء بأمثال ومعانى ولا إحنا نعرف نوصل لها لغاية النهاردة . وقال لسه طيب وفهمت قال له وتحط كمان منارة لها سبع سرج .. سبع سرج والمنارة ديهة إنت تعسرف

كنيستنا بتسمى العبذراء إيه بتسميها أم النور عشان هي اللي حاملة الإيه ؟ النور . قال له شفت . وهكذا يعوزنا الوقت لأن ده موضوع الكنيسة كلها اصنع كل شئ حسب المثال الذي أريك إياه . إيه هو المثال ؟ المثال هو الست العذراء هو الست العذراء بيني وبينك مكنش عامل له ماكيت فوق يعنى وراسم له رسم وجايب له واحد باشهندس وقال له اعمل اعمل الخيمة حسب الماكت ده . لــم تكـن هـي أفكار مادية مش مجرد رسم وخلاص لكــن هــو أحد الأسرار لأجلل هذا تفنن فيها الفنانين وتفنن فيها الملهمين فيى السيماء وتفهم وتفنين فيها الروحانيين وتفننكوا بكل الطرق وبكل الوسائل وظلوا عاجزين إلى أن جاء ملء الزمان . فـــهى كـانت كـرازة موسى شـغلة

موسى كلها كانت هي العسذراء.. ثبات أيوب البار.. أنا بأنقل من كلام الكنيسة. أيسوب البسار اشمعني أيوب؟ والعذراء دية تبقى ثباتـــه؟ منيـن قال أه أيوب البار ميـن يحتمـل اللـي احتملـه أيوب مش ممكن . طب اقرأ قصة أيـوب تقول لغاية النهاردة المفسرين الحديثين في الخسارج يقولوا ده قصة خيالية لكن حُطها أمــام العـذراء وتجد العذراء هي الثبات بتاعها يشوف العذراء قدامه ويثبت. تقول له اثبت أنا هيجوز في قلبي سيف بسبب المسيح مخلص العالم وهو يقول لها إيه وأنا بـــاحتمل ليــه الآلام دية كلها ؟ تقول له لأن أنت رمز للمسيح أيضاً أبغضك الشيطان بلا سبب. أبغضك بلا سبب. مين ثبات أيسوب البار الكنيسة بتفول هي العذراء هي اللي ثبتت أيوب البار . أيضا

شفاء أرميا الغلبان ده اللسي شاف المر اللسي كانوا بيرموه من بير لبير ويحطوا الطيــن علــي وشه ويدوا له خبز اللي خبز القسوة . الراجل العيان الغلبان اللي قال أنسا ولسد سبني يسارب واعتقنى . مش هو ده العذراء قدام عينيه بتقول له طب ما أنا بنست صغيرة أهمه إنست تعبان من إيه ؟ يقول لــها الحمـل ثقيـل علــة تقول هي كمان تقول له وأنسا كمسان مين قال لك إن أنا أقدر أحتمل كــل الأسـرار ديـة اللــي أعطّهاني الله وأنــا فتاة صغيرة .. فالكنيسة قالت إن هي كانت كانت شاء أرميا كانت الشفاء بتاع أرميا وكانت أيضا خسلاص أشعياء خالص أشعياء وخالص اسحق . أشعياء أشعياء ده كان مزاجه يتكلم عنن ميلاد المسيح ها العسذراء تحبل وتلد ابنا وتدعو اسمه

عمانوئيل وقبل أن يعسرف الطفل شلماله من يمينه يحسدث الخسلاص ؤتخلسي أرض دمشسق وأرام. أشبعياء ساعتها كسان بيفكسر فسي الخلاص منن دمشق وأرام اللسي همنا كانوا محوطينه .. أشبعياء قال لسه لأ دا الخالص هيبقي على مستوى العذراء يعنى إيه ؟ كان آحاز كده كان زعلان وبيقول له شـــايف يـاربي آدى آرام ودمشق والاثنين محوطنيي والسامرة وهيموتونا ، وإحنا غلابة. فربنا بعت له أشعياء قال له اطلب آية ؟ رينا يخلصك منهم قال له أطلب إيه . ربنا يشيلهم بعيد عنى . قال له ماشى هتجيب عيل . العسذراء هتجيب عيل العذراء اللي هي امسرأة أشعياء .. خلفت عيل قال لبه قبال الولد ما يعرف شماله من يمينه تخليي الأرض ويهربوا الأعداء . أشعياء على قده بيفكر شاف

العذراء. فلقى إن مش هتجيب عيل مراته .. والعذراء هتحبل وتلسد ابنا ويدعسي اسمه الله ويكون معنا . العنذراء أيضا بتقول عليها الكنيسة قوة إيليا إيليا الجبار ده كانت قوته هي العذراء جابتها منين القوة دية ؟ جبها منين القوة القوة ؟ بتاعة إيليا ليست قسوة بشرية دى قوة الله في الإيه ؟ فسي الإنسسان . وهو ده اللي حصل للعنذراء . لأن العنذراء الله في الإنسان تبقى العذراء إبــه ؟ قويـة . وبـص .. حينما أنا ضعيف فحينئد أنا إيه ؟ قوى . ده كلام بولس الرسول وكلام إيليا القوى . منين القوة يا جماعة ؟ في العضلات ؟ القسوة تلاقيها في العذراء .. في العسذراء القوية قوية فسي إيمانها . قوية قويسة في إيمانها قوية في صبرها ، قوية في احتمالها مــارضيتش تنطـق

ولا تدافسع عن نفسيها بكلمة . أراد يوسف تخليتها سرا . قوية قوة إيليا . أقوى مــن إيليا. العذراء هي هسي صديقة سليمان الكنائسي سليمان قال له ياربي أنا باحب التسبيح وعاوز أعمل لك بيت قسال لسه اعمل . قعد يجمل وينقش ويعمل تيجان وبتاع .. قـــال لـه كـل ده إيه ؟ قال له ده باعمل لك حاجــة جميلـة جميلـة جدا عشان تبقي هني الهيكل بتاعك عشان تفرح لما إنت تقعد فيه كده ياربي ويحل سحابة المجد عليه وساعة ما أقدم الذبائح السحاب يملأ البيت . قال له تعال بقي أورى لك الهيكل . الهيكل هسو العسذراء السهيكل هسو العذراء . إنت يا سليمان بنيست البيت واتفنست فيه وجبت أحسن مهندسين بنوه . الآب اطلع من السماء فلم يجد من يشبهها هـــو اللسي اللسي ضممها وهنو اللي رتبها . السحابة حلت

على البيت وفيه ريحة ملته . والبيت امتلأ كله مــن مجـد ربنا قال لـه تمام .. قال له تعال بص بقي في العهد الجديد قال له السروح القسدس يحسل عليسك وقسوة العلى تظللك مسش السحابة بتاعية العسهد القديم سليمان وقف قدام ربنا الكنيسة وقال له دية بص ده البيت بتاعك خلے، بالك كل واحد في أي حته فسي الدنيا يطلب طلبة تجاه هذا البيت حتى الغريسب تدى له . قال ماشى كل واحد يطلب شئ لكن إنت مسش فاهم يا سليمان كل واحد يطلبب حاجة من خلال الست العذراء الهيكل الحقيقى البيست اللسي أنسا ها أسكن فيسه أنسا هستجيب .. عشسان كسده العذراء قالت له ليس لهم خمر قسال لسها ماشسي كلامك مش زى أيام سليمان .

العذراء كانت موضوع انشغال الأجيال كلها من ساعة آدم ما انطرد مبن الجنة إلى مجئ المسيح إلى يومنا هذا إلى حياتنا كلها . العذراء هي فرح الأجيال كلها هي فرح الكنيسة وفرح الشعب وفرحنا هي مصدر الغنى اللي أغنت الكنيسة بإيمانها وبحبها وباتضاعها وبشفاعتها وبصلواتها عنا وبظهورها لينا من أن لآخر .

بركتها دائما تكون معانا ولإلهنا المجد الدائم أبديا آمين .



٣ ـــ العذواء بدء الافراح

الست العذراء بداية كل خير

نشكر الله من أجل البركة اللسى إداها لنا ربنا الليلة في بداية صوم الست العذراء إن إحنا نجتمع فسى بيته وناخذ بركة شفاعتها وصلواتها من أجلنا.

الكنيسة في الواقع بتكرم العنزاء تكريم كبير وبتعتبر الست العنداء بداية كل خير وكل فرح في الكنيسة زى ما بنقول في الترتيلة إن الست العنزاء بدء الأفراح بداية كل فرح والمعجزة الأولى اللي عملها ربنا يسوع في عرس قانا الجليل كانت معجزة فرح وكان تحويل الماء إلى خمر والمياء اللي غمر ملهوش طعم ولا رائحة اتحول إلى خمر مفرح فالناس اللي كانوا قاعدين إيه ومش

مبسوطين أو قاعدين هادين كده اتحولت حياتهم إلى فرح والمسيح في وسطهم والفرح كان كبير خالص يعلق عليه معلمنا يوحنا الحبيب ويقول هذه أول آيات صنعها ربنا يسوع فآمن به تلاميذه يعنى الفرح ده وصل لغاية تلاميذه كمان ، الكل بقى فرحان فالست العذراء بداية الأفراح.

والفرح يا أحبائي مهم جددا في الكنيسة لأن الكنيسة كنيسة المسيح معروف إن هي معرضة.. يعني مش إداها ربنا إمكانيات مادية أو قوى مادية عشان خاطر تعيش بيها ده هو قال لهم كده " لا تحملوا كيسس ولا مزود (كيس فيه أكل) .. إيسه كيسس فيه فلوس، ومزود فيه أكل ولا تلبسوا حذاء في أرجلكم ولا عصاية حتى عشان تدافعوا بيهم طب. وإيه ياربي الضمان للإرسالية دية إن هي

نقدر تقف على رجليها ولا تمشى بسللم ؟ قال " أنا ها أديهم فرح فرح كبير خالص قال عنه لا يقدر أحد أن ينزع فرحكم منكهم يعنسي انتوا لما تأخذوا الكيس والمزود ممكسن يتخسدوا منكسم لكن أنا ها أديكم حاجة والعالم ميقدرش يشيلها منكم أبدا فرحكم لا يقدر أحد أن ينزع فرحكم منكم إيه الفرح اللي هنديهولنا ؟ قال أنــا أديتكـم في الحياة الجديدة اللي انتوا عايشها دية حياة الفرح لأن أنا اللي بدى الكيس وأنسا اللسي بدى المزود . وأنا بدل ما أديكم عصاية أنا هاكون معاكم كل الأيسام وإلسى انقضساء الدهسر. أنسا هكون معاكم عشان كده إحنا بنقول للعذراء بدء الأفراح ليه ؟ لأن يا أحبائي ممكن ربنا يدى الإنسان فرح طب مسا بيدى كل العالم وفي العهد القديم بيدي خدير وبيدي بركات

مادیة . بیدی برکة فی الأولاد ، وبیدی برکة فی البیت . وبیدی برکة فی البیت . وبیدی برکة فی الغیط وفی الزرع ، بیدی خیر مادی . کل دیدة حاجات جایة من بره لکن المرة دیة ربنا قال أنا مش حدیکم خیر أدیکم برکة وحاجات ممکن أدیهلکم وممکن تروح منکم . أمال هتدینا ایده ؟ قال هدیکم ذاتی أنا نفسی .

عشان كده المسيح في بطن العذراء خلاص يبقى العذراء دلوقت الفسرح يجى لها منين ؟ من بره ولا من جوه ؟ من جسوه طبعا. العذراء هي اللي إدت الجسد بتاعنا لله الكلمة فأخذ جسدنا والكلمة صار جسدا . والتجسد زي ما إحنا بنقول في القداس بدون اختالط ولا امتزاج ولا تغيير ولا انفصال يعنى من يوم الله الكلمة ما أخذ جسد من الست العذراء والجسد ده هو اللي أخذه من بطنها ورضع

من لبنها وأخذ من دمها ولحمها . هو هو ده الجسد اللي إتصلب على الصليب . هو بعينه الجسد اللي قام من الأموات . هو نفسه الجسد اللي صعد للسماء . هو الجسد اللي جلس عن الآب . هو بنفسه الجسد اللي إحنا بنقدمه يمين الآب . هو بنفسه الجسد اللي إحنا بنقدمه على المذبح . " هذا هو الجسد اللذي أخذه من الله عن سيدتنا ملكتنا كلنا القديسة الطاهرة مريم .

اللى عاوز أقوله باختصار إن عطية الله لنا مش عطية تعطيى وتتاخد . دى عطية لا يمكن لا يمكن لا يمكن فصلها .. اتحاد الله بالطبيعة البشرية لا يمكن فيه انفصال لأن اتحاد الله بجسد من بطن العذراء . والعذراء هي ممثلة البشرية كلها . فاتحاده بجسد من بطنها يعنى معناه اتحاد بينا كلنا.. وفيى كل مرة نحضر

القداس بنتملى حياتنا فسرح . لأن القداس مسش مجرد ترتيل ولا مجرد ألحان ولا مجرد يتفهم ولا ميتفهمش ولا يتصلى باللغة ديـــة ولا باللغـة دية . القداس عبارة عن نساس فهموا حقيقة خطيرة جدا إن الله بيدخل فسى حياتهم ويصير طعام لينا متقدرش تفصله مننسا. فالفرح يسا أحبائي اللي بيديه العسالم ممكن يتاخد واللي بيديه ربنا برضه ممكن يتاخد يعنى ربنا إدانى حاجة النهاردة ممكن يأخذها تانى وأيبوب يقول الرب أعطى والرب أخد . لكسن الفسرح الجديسد في الميسحية ديـة عطيـة لا يمكـن أن تتاخد مننا أبدآ. إزاى ؟ لأن يسا إخوتسى الفسرح اللسى بيديه ربنا في العهد القديم أو بيديسه لكل الناس ويشرق شمسه على الأشرار والأبرار دية عطية من الخارج . لكين الفرح الجديد في شسخص السست العذراء ده اتحاد بالطبيعة بتاعتنا . وكنيستنا تؤمس بالطبيعة الواحدة وإن هذا الاتحاد ليس فيه انفصال أبسدا .

ايه يعنى ميلاد المسيح من الست العذراء ؟ ده كان خلقة جديدة خلقة البشرية . يعني إحنا اتخلقنا مرتين المرة الأولانية كانت من آدم من أبويا وأمى اتولدت أول مرة وأخذت منه الطبيعة الإيه ؟ الجسدية . الجسد اللي حامل المرض والتعب والألم والمعرض للموت ده اللي أخذته من أبويا وأميى . وبعدين أتولدت ولادة ثانية بتجسد المسسيح مسن الست العذراء بالمعمودية مبلاد البشرية الجديد فأخذت ولادة من فوق فبقيت متحد بحاجة من فوق المرة الأولانية واخد جسد من تحت عشان كده بارجع له ثانى ودائما الجسد مثال لتحت .. للحاجات اللي موجــودة علـي الأرض .. أكـل الأرض وشهوات الأرض وهسم الأرض وتعسب

الأرض .. كله من الأرض . ولما تجسد ربنا وأخد جسد من العذراء أخذنا طبيعة من فوق وأصبح لينا ميلاد ثانى فوقانى وأصبح لينا أمال من فـوق وأصبح لينا فرح من فوق أصبح لينا حاجات كثيرة خالص فالفرح الجديد ده طبيعة جديدة .. طبيعـــة جديدة زى أنا بقسول مثسلا . الحديسد ده طبيعة والخشب ده طبيعة ثانية واللحسم ده طبيعة أنا عاوزك تحس كمان إن تجسد المسيح فــــى بطـن العذراء كان خلقة جديدة طبيعة جديدة . ولما بنقول ميلاد ثاني مابنقلهاش كده فلان أخد ميسلاد ثساني بالمعمودية وخلاص لأده بقى فيه طبيعة جديدة عشان كده لما هو قال لهم ها أبعتكم لا كيسس ولا مزود ولا عصا مكنش يقصد إنه يأخدهم يبهدلهم لكن كان يقصد إن انتوا بقيتوا طبيعة جديدة وهـذه الطبيعة الجديدة لها قوتها وحياتها اللي ممكن تعيش بيها ومتقدرش قوة خارجية تقدر تغير منها يعنك

أنت هتغير من الحديد ده تعمل منه أيه ؟ فأهو حديد ممكن يصدى لكن لو لمعته من جديد تشيل الصدى يطلع برده إيه ؟ يطلع حديد . فالعطية اللي أعطيت الينا يا أحبائي في المسيحية في شخص الست العذراء .. والتجسد عشان لما تسمع أبونـــا كـده بيقول تجسد وتأنس تحس كده إن أنت مخلوق خلقة جديدة .. فالخلقة الجديدة دية لها طبيعة جديدة . الطبيعة الجديدة دية طبيعة ربنا في حياة الإسسان البشرى . عشان كده إيه .. بولس الرسول يقسول أنتم هياكل الله وروح الله ساكن فيكم ويقــول كــده بولس الرسول من التصيق بالرب .. زي من التصنق بامرأة فقد صار جسدا واحدا ومن التصيق بالرب فقد صار روحا واحداً . روح واحد .. فالله في حياة الإنسان . دية مسيحيتنا اللي أخذناها فيي شخص الست العذراء . الطبيعة الجديدة دية يقول

عنها معلمنا بولس الرسول إن هي طبيعة مفرحة يعنى عبارة عن حياة جديدة كلها ثمر إيه .. الثمر ده يقول عنه إن هو محبة.. محبه .. نمرة ١، نمرة ٢ فرح .. نمرة ٣ سلام . محبة فرح سللم طول أناة لطف صلاح إيمان وداعة تعفف. 9حاجات قالهم معلمنا بولس الرسول في رسالته لغلاطية الإصحاح الخامس ثمار الروح القسدس. فإخنا في طبيعتنا الجديدة الروح الساكن فينا البووح عمّال يعطي ثمر . قبليها على طول يقول كسده .. يقول أعمال الجسد ظاهرة كذا وكذا وكذا حاجسات وحشة أعمال إيه ؟ الجسد .. غضب وحسد وقتل وسرقة وإية ؟ وشهوة عالمية دية كل دى إيــه ؟! أعمال الجسد بأعملها أنا بإرادتي . وبعدين دى لها بقى اسمها ثمر الروح .

واخد بالك في فرق بين حاجة بأعملها .. وفي حاجة من ثمر . الثمر ده already بيجي طبيعي

يعنى أنا لما بأزرع ما بزرعش ثمر أنـــا بـزرع شجر والشجرة لوحديها لو اعتنيت بيها تبتدى تطلع إيه ؟ ثمر . يعنى لازم الشجرة تطلع ثمر . أمسال هنطلع إيه ؟ أنا هازرع شجرة من نوع معين لازم تطلع ثمر . ده الوضع الطبيعي ماشفتش في الدنيا واحد بيروح يزرع شجر وبعدين يقول لما يجي وقت الثمر أبقى أروح ألزق فيهه الثمر لأهو خلاص يروح بيته وينام مادام زرع الشجر هي هتطرح في وقتها . فالمسيحي أخد طبيعة جديدة هو في نفسه لازم يطرح . ويطرح محبة فرح سلام طول أناة لطف صلاح إيمان وداعة تعفف. دية الطبيعة الجديدة يعنى نظرة صىغيرة كسده فسي سفر الأعمال عشان تشوف شكل الكنيسة وهي طالعة كده يقول عن الكنيسة مثلا في يوم الخمسين إن معلمنا بطرس بعد الكلام بتاعه الوعظة الليي

وعظها قالوا له نعمل أيه ؟ فقال لهم توبوا وليعتمد كل واحد على اسم يسوع المسيح لغفران الخطايا فتقبلون عطية الروح القدس فقبلوا كلامهم بفرح. يعنى الصفة اللي تلاقيها في سيفر الأعمال باستمرار كلمة ا**لفرح** فقبلوا بفرح . وبعدين راحوا البيوت دخلوا يصلوا مع بعض وبعدين قعدوا يأكلوا لقمة بعدما خلصوا شغل. التلاميذ أخذوا ياكلوا لقمة يقول لك إذ كانوا يكسرون الخبز في البيوت يعني كانوا بيأكلوا اللقمة في البيت كانوا يتناولون الطعام بابنهاج وبساطة قلبب . يعنى الطبيعة بتاعتهم تصور بقي الكنيسة من مجموعة بسلطة من الناس ودائرة مضطهدة من اليهود وعساوزين يقتلوا فيهم ويخشوا ياكلوا اللقمة مع بعض ياكلوها وهما إيه فرحانين . إيه يقول كــده عـن الرســل بطرس ويوحنا إن هما إيه ؟ قال لهم منتكلموش باسم يسوع ولما رفضوا وتكلموا باسم يسوع إيه

ضربوهم . وأما هم فذهبوا فرحين من أمام المجمع لأنهم حسبوا أهلا أن يهانوا من أجل اسم الله . كانوا فرحانين خالص الفرح حتى الضرب ماضيعهوش منهم .

أما اسطفانوس ده لوحده ده قصته كبيرة لأن اسطفانوس كان الروح جواه فيبصوا في وشه يقول لك وكان وجهه كوجه ملاك كان مملوء من الإيمان اترجم اسطفانوس كانوا بيرجموه والطوب نـــازل على رأسه يقول لك كده.. ربنا قال له إيه يعني فده اللى أنا عاوز أقول لك إيه دية طبيعة جديدة يعنى دية مش قدرة بشرية . مش هو بـــيرجوه فكان الفرح مالى حياة اسطفانوس لدرجة إنه قال لهم يا جماعة أنا هاطير من الفرح قالوا له يعنى فرحك شكله إيه ؟ إيه يعنى اللي يفرحك من الفرح قال لهم

كده جوايا حاسس بيها رأيت السماء مفتوحة وابن الإنسان قائم عن يمين العظمة شاف المنظر ده وعمل اللي متعملش . قال له يا رب لا تقم لهم هذه الخطية . صرخ بصوت عظيم قال له يارب ده أنا فرحان خالص بس متعزبش الناس دولت بسببي . الاضطهاد اللي حصل بسبب قتل اسلطفانوس ده جالوا يبشروا بالكلمة وكشيرون من المفلوجين والعرج شفوا فكان فرح عظيم في تلك المدينة . . وبعد اسطفانوس ما اتقتل طلعوه بره يافوا في المدن . فربنا ملاً حياتهم بالفرح .

فاللى أنا عاوز أقوله إن فى نقطة مهمة لازم نراجع فيها نفسينا . ثمار الروح القدس فى الواقع اللى إحنا أخذناها بإتحاد الله بطبيعتنا . وإن الآب استودع الروح القدس عشان يكون ساكن فينا فأصبحت دلوقت حياتنا الجديدة جايه من جوه مش من بره . وإيه معلمنا بطرس كان حذر خالص لمل

راح عشان يخفف الراجل الأعرج ده هسو داخل الهبكل وصلى فالراجل الأعرج قسال لسه عساوز صدقة. طبعاً كانت الفلوس كثيرة تحبت رجلين بطرس لكن بطرس كان واخد باله كان ناصح قال أنا مش عاوز الفرح يدخل حياة الكنيسة بسبب الفلوس . كانت بتترمى تحت رجليه قال لأ الفررح أصدلاً ناشئ في الكنيسة من وجود المسيح فيها. فالراجل قال له اديني صدقة قال له أنا معيش. قال له معقول إنت ممعكش ده إنت الفلوس مرمية تحت رجليك قال له ده صحيح لكن ديةمش شغلتي أنا إن أنا أطلع الفرح من الخارج. الفرح جوايا أنا فلنت باسم يسوع قم وامش. نتيجة لكده يقول لك إن الراجل وقف وطفر وكان يسبح الله هيننطط مــن الفرح. فالفرح بس مش عاشته الكنيسة أو عاشه بطرس لكن كان بيديه للناس ، الأعرج يمشى

ينتطط من الفرح . لكن بطرس كان حذر زى مسا بقول لك إن الفرح ده مش من بره ده مسن جسوه عشان كده المسيح قال إيه ؟ " للآن لم تطلبوا شسئ اطلبوا لكى تأخذوا لكى يكون فرحكم كساملا ولا يقدر أحد أن ينزع فرحكم منكم . يعنى الفسرح ده من جوه مش من بره .. ده من طبيعتكم الجديدة .

تحب إنت كمسيحى إن حياتك متكنش مثمرة؟ الثمرة الأولى المحبة يعنى مثلا أنا كنت طبيعتى الأولانية إن أنا أحب اللى يحبنى مثلا وأكره فلان الملاش أكره أهوه كده يعنى شوية كلده بنفيض كده طبيعتى الجديدة في حاجة جوه مفرحة بتفيض كده بتحب الناس بتطلع من جوه ثمر السروح القدس محبة فرح .. إيه الأول كنت أفرح بالحاجة ديه ولما تضيع منى الحاجة ديه يعنى أههه الظيروف الاجتماعية تؤثر في شوية العالم. وبعدين دلوقت الحياة الجديدة أصبح الفرح ناشئ منين مسن جوه الحياة الجديدة أصبح الفرح ناشئ منين مسن جوه

يقول كده ربنا يسوع عن طبيعة الروح القدس يقول " من آمن بى تجرى من بطنه أنهار ماء حـــى ". ودية عبارة عن نهر ماء ونهر الماء ده بيجري . فده ماء حي وإيه ؟ ده نهر مندفق . خلسي بالكم يعنى قصدى أقول مش كمية بسيطة طب ما أنا ممكن أفرح في العالم لكن ده مش اللـــي يقصده المسيح . ده هو المسيح نبه وحذر قال " ليس كما يعطى العالم أعطيكم يعنى اللى انتوا بتاخدوه ده مش زى اللي بيديه العالم . اللي بيديه العالم صنف واللى بأديه صنف ثاني اللي أنا بأديه ده نابع مــن جوه یجری من بطنه ــ مقلش من بره ــ یجــری من بطنه عشان كده با أحبائي تقدروا تحسوا قد إيه الإنسان المسيحي إنسان غنى جداً . لأنه يملك يملك روح الله فيه مصدر القوة والحياة . إذا كان إحنا مشبعناش من روح الله مكنش حصل لنا عملية

الفيض ده . فالعيب فينا والعيب فينا مش لأننا يعنى وحشين قوى أو بعاد عن ربنا أو إلى آخره . لأ العيب فينا . زى ربنا يسوع ما قال "لللن لم تطلبوا شئ " .

إيه مرة من المرات المسيح حب يفهمنا العلاقة بيننا وبينه قالوا له نصلى إزاى قال لسهم قولوا أبانا الذي. عارف كلمة أبانسا السذى دية لوحديها يفهمها الطفل الصنغير لما يكون بعيد عن باباه كده والولد راح في حتة وبابساه راح والواد يقعد يعيط يعيط يجيبوا له شيكو لاته يجيبوا له لعب يجيبوا له أي حاجة عشان يفرح بيها أول ما يشوف باباه من بعيد يصرخ صرخة ويترمى على كتفـــه ويقول بابا بابا وخلاص قال لهم إذا صليتم تقولوا أبانا الذي نطلع إيه بيني وبينك يعني شبه ميتة من بقنا طب وهو أبانا إدانا إيه لأ ويقول كده لم تأخذوا روح العبودية من فوق بــــل أخذتـــم

روح التبني فالروح القدس ده اللي موجـــود فينــا يصرخ ويقول ياأبانا الآب يعنى ده بيقول يسا بابسا الآب رينا اسمه الآب . لأن هو أب للبشرية كلسها فالروح اللي فينا يقول له يا بابا الآب يا أبــا الآب قال من منكم إذا سأله ابنه خبز أفيعطيه حجر ؟ .. بايخة الحكاية دية خالص ده حتى ممكن الولد فـــى البيت يقول بابا تسمح آخد لقمة عيش الأب يزعل بيتك يا ولد تفتكر الكلمة دية بابا إديني لقمة عيـش دية تبسط بابا؟ تعال أجيب لك .. إحنا لسه مش عارفین ایه أبونا السماوی ده .. تقسول لسه بابسا عاوزين لقمة عيش عاوزينك تنجحنا في الامتحان. ده ایه ؟ أهو بالظبط على نفس المستوى ده عاوزينك تدينا العطية المادية الصغيرة ديه طـــب ياولاد أنا عاوز أديكم كثير .. لأكفاية يارب مسش

عاوزين غير كده . ياولادي أنا عاوز أديكم حاجات ثانية .. من منكم إذا سأله ابنه خبز فيعطيه حجــر سمكة يدى له عقرب يدى له حية إيه اله عقرب المسلة هيدي له عقرب! إن كنتم وأنتم أشسرار أشرار تعرفون أن تعطوا أولادكم عطايـــا جيدة طـب وبعدين. فكم بالحرى الأب الذي فـــي السموات يعطي روحه القدس للذين يسألونه . الله .. طـــب إحنا دلوقت مبنفهمش الحتة دية . إحنا بنفهم كـــل حاجة إلا إن إحنا نتملى مسن روح ربنا . إحنا كويسين مع ربنا مين قال إن إحنا وحشــــين إحنـــا مواظبين على الكنيسة إحنا بنتناول إحنا بنصلي إحنا بندرس في الإنجيل لكن طلبنا منه إيه مش عيب لما نطلب من أبونا السماوى نطلب الأمــور الرفيعة الصغيرة اللي يطلبها الأجراء . طبب ما الأجير بيدى له كده بيطلب كده . هو قال يــاولاد ملكوت الله وبره ده اللي هديهلكم خلى بالك بقــــي شوف عينينا راحت فين .. فين ؟ لروح ربنا كسم بالحرى طبعا الآب الذى فى السموات يعطى الروح القدس للذين يسألونه يبقى أصبح دلوقت هنا إن العطية حتكون على مستوى الأبوة السماوية . هيدى إيه هو يا ترى الآب ده ؟ قال هيدى روحه فهمتوا يا أحبائى ؟ إحنا بناخذ ..

الكنيسة عشان كده لما مشيوا التلاميذ قالوا له إيه فرحانين بقى عاوزين يروحوا يخدموا قال لهم لا تبرحوا أورشليم حتى تلبسوا قوة من الأعالى . حتى تأخذوا موعد الآب قالوا له إيه ؟ الآب هيدينا إيه ؟ ماقالهمش تئهم قاعدين كده مستنين يا تسرى هيدينا إيه ؟ يا ترى الآب هايدينا إيه ؟ قعدوا يصلوا هتدينا إيه يا أيها الآب ؟ هتدينا إيه ؟ قدال هديكم إمكانيات مادية ، وهديكم نجاح في عملكم وحديكوا الناس تقدركم وهديكوا وهديكوا .. هو في

خيالهم اتضم كده إن الآب ده هيديهم حاجات يعني عظيمة طب بيني وبينك إحنا في حياتنا بنطلب من ربنا يدينا حاجات كويسة . وفوجئوا يوم الخمسين ولا حاجة من اللي كانوا بيطلبوها أخذوها فوجئوا إن روح الآب نفسه جه سكن فيهم . فوجئوا إن روح ربنا سكن فيهم إيه ده ؟ فبقــوش مصدقيـن نفسيهم والروح ده روح الأب وطبيعة الآب إيه ؟ الحب الفرح السلام التعفيف طول الأنساة. إذا الصفات بتاعة ثمار الروح القدس دية طبيعة الآب نفسه . مش بأقول لك ده معدن جديد أخذته طبيعتنا الجديدة . فقاعدين دلوقتِ في حالة من الفرح عجيب جدا . بعدما أخذوا موعد الأب بتطلبوا إيه ؟ لِلأن لم تطلبوا شئ .. يانهار أبيض ؟! بتقول لمين الكلام ده ياربي ؟ بتقول لبطرس ؟ قال لك تعسال اشفى لى العيان ده خففه . بتقول للتلاميذ اللي قالوا لك سكن الريح النهاردة سكنت الريح . قالوا لـــك

اشف المريض ده شفيته . قالوا لك معندناش أكلل عاوزين أكل أكلت لهم ال ٥٠٠٠ وترجـــع تقــول للأن لم تطلبوا شئ ایه یعنی کنا هناخد اکتر من أن أنت تأكّل ٥٠٠٠ واحد ؟ قال ٥٠٠٠ واحسد إيسه يعنى ٠٠٠٠ واحد . ده أنا هديكم أكلة أكلة تديكـــم أبدية . أباؤكم أكلوا المن في البرية ومـــاتوا هــو الترتيب حصل كده .. إنه أكّل ٠٠٠٠ وبعدين قالم إ له أنت كويس قوى يا يسوع . قال لــهم لأ انتـو جاين ورايا عشان أكلتوا الخبز وشبعتم انتوا ماشين وراء بطنكم والإنسان طبيعته كده ماشى وراء ربنا لأنه بيأكل قال لهم إيه يعنى لو أنا نزلت لكم مـش لـ • • • ٥ نزلت لكم الأكلة من السماء فتحت بقكم وحطيته جوا بقكم . أباءكم قعدوا ٤٠ سنة في البرية يفتحوا بقهم وأحط لهم الأكل وأكل نازل من عندي وآخرة الأربعين سنة إدانا إيه ؟ قالوا مـاتوا

قالوا أمال إنت هتدينا ايه يعنى ؟ يقول لأ. أباؤكم إلى الأبد أنا هديكم نفسى . ده المسيح بيقول كسده والآب قال أنا هديكم روحي روحه وذاته وجسده ودمه .. إحنا بقينا خليقة جديدة ليه . حق المسيح لما يقول إيه ؟ الأعمال التي أنا أعملها تعملوها وأعظم منها . والكنيسة عاشت بالقوة ديه بس مش كل واحد حس بيها . إحنا واحد زي بولس الرسول حس بيها تمام . بولس الرسل تقول لــه إنـت يـا بولس فاضل فيك حاجة من حياتك القديمة يقول لك لأ أنا أنا مرت على ظروف وحاجات محت حيــــلتــى خلاص. مع المسيح صلبت يعنى الصليب كده بتاع المسيح ليه وشين بولس طلع على وش واتسمر عليه والوش الثاني كان عليه المسيح . مع المسيح صلبت لا أحيا أنا بل المسيح إيه ؟ يحيا في . قلتها يا بولس .. المسيح حيى فيك . السروح

هو اللي مثمر في حياتك يقول لك عن الفرح إنــه محدش يقدر يشيله مننا أبدآ . حياة فرح .. حياة يبوس فيه ويقبله وهو فرحان .. إيه ده ؟ قال هــــ دية . التمرة الطبيعية للتوبة . هل أبــوه ادى لــه يعنى قال له ها اكتب لك كذا فدان .. وهـو ملك ميراث جديد ولا حاجة متفهموش في النقط ديــه . ده هو راح يشتغل خدام قال له لأ تُخش في حضني تغيش بقي في الفرح بتاعي .. قال له طب والفلوس اللي أنا بذرتها وميراثي اللي هيكون من جديد والحاجات ديه مش نتفاهم فيها .. قال يا ابني متستاهاش .. أصل الحاجات ديه مش مهمة عندى ده الخير كثير قوى . أنـا مبحاسبش ولا حتـى الخدامين على الحاجات دية متتفاهمش في الحاجات

دية لكن إنت تخش فى حضنى تتمتع بقبلاتى وأقول كده: لأنه ينبغى أن نفرح. لازم يحصل فيه فرح ويقول السماء تفرح وملائك ألسماء تفرح وملائك تفرح والآب يفرح دى السماء تفرح والآب يفرح والابن يفرح كل ده علشان ايه ؟

قال عشان اتحد بينا فدور على مساء ٠٠ دور " على ماء فملقاش . فكان في آبار قديمة اتردمت يقول عنها كده اتردمت بالتراب فنبش بالحرف كده يقول فنبش يعقوب في الأبار القديمة دية اللي كان حفرها أبوه . فإذ يخرج منها ماء حي . عملية نبش بسيطة . وده اللي كانت بتعمله الكنيسة الأولـــي . الكنيسة الأولى كانت عايشة في حياة التوبة يعنى يقول لك إن التوبة علامة الفرح يعنى تشيل الحاجات اللي هي الوساخة اللي سدّت الماء عشلن تجرى في الماسورة . لكن المياة متدفقة تجرى من بطنه أنهار ماء حى . وعملية النبش ديه دى عملية الصلاة . يقول لك الكنيسة كانت مواظبة على الصيلاة بالإيمان لأن الله جواه يعنى عملية نبسش تفجر ينابيع ماء حى . إيه اللي معطل عمل الروح في حياتي؟ يا إما اهتمامات خارجية يـا إمـا أنـا مربوك بحاجات كثيرة والحظ بقهي إن الكنيسة الأولى كانت حذرة جداً كانت حذرة كلمهة ربنا وانشغالها بيها . ولما تكاثر عدد التلاميذ قالوا هنخش في مشاكل وبتاع وأكل وشرب والحاجات دية فأقاوموا سبعة شمامسة مملوئين من السروح القدس . وبطرس نزل بكرز بالكلمة ومفيش مــره يتكلم إلا ويقول كانوا يمتلئون من الروح القدس. طيب الكنيسة كانت غنية غنية بالروح عمالة تفيض فرح. الناس اللي بره يبصوا يقولوا دول السكاري من كتر الفرح اللسي عندهم يقولسوا دول نساس سكرانين . يقولوا لهم لأ إحنا مش سكرانين ده أحنا

وقت الساعة الثالثة من النهار ده مش وقت سكر لكن احنا فرحانين من السروح القسدس لوتيجسي تحاسب نفسى أنا لو أحاسب نفسي أنا أجسد يامسا حاجات فرحتنى . إدانى إيه ياما نجاح ليه فسي عملى بقى أنا يعنى أفرض أنــا باشـتغل كـاهن ونجحت في عملي ده فرح . يقوم يقول ربنا طـب أشيل منه أبص ألاقي نفسي اتكشفت على طــول. لكن الفرح أصلاً مش جاى من برة لكن جاى مسن الينابيع اللي جوه. من أمن بي تجرى مــن بطنــه أنهار ماء حي . والكنيسة الأولى غنية جدا مقدرش أقول لك حدود الغنى يقول حزقيال النبي عن منظر أنا بأدى لك دلوقتى منظر الغنى إيه . يقول إن هو راح ناحية البيت البيت يعنى تلقى البيت مليان ماء والمياه رمز للروح القدس وكان البيست الأبسواب بتاعته مقفلة فكان الماء يتدفق من تحت العتبة.

عارف الكنيسة دية البسيطة دية بأسرارها بسر المعمودية بسر الروح القدس اللي فيها بسر التناول وأسرار الكنيسة دية ممكن تفيض وتغرق العالم كله فيقي يلاقي الماء طالعة تحست الإيه ؟ العتبة . كنيسة عجيبة جدا يضربوهم فرحانين . إيه يضربوه بالطوب يقول ياربي لا تقسم لسهم هذه الخطية.وطبعا هو بيني وبينك اســطفانوس كـان مطمن لأن اللي كان بيضربه بالطوب في اللحظة دية كان شاول اللي هو بولس الرسول . وأكيد ربنا قبل صلوات اسطفانوس وهو بيطلبها بفرح اتهيألى اسطفانوس بيقول له ياربي شايف الواد اللي هناك ده شایف الشاب ده اللی مقوم العیال علی کلیم عشان يرجموني هو ده الولد الشاب ده اللي اسمه شاول نفسی ده یاربی باین علیه کده انه هیکون

قديس كبير في الكنيسة مامرّش وقت بسيط وشلول اتحول بولس اتحول إلى بولس الراجل العملاق ده. مرة ثانية حزقيال يتكلم عن تدفـــق الــروح القدس فيقول كده إن السروح أخذه عند نهر خابور فقاس ۱۰۰ قسدم مشسى ۱۰۰ قسدم جسوه الماء تنه تنه يخش يخش جوه الماء قلساس قاس • • • ١ قدم فوصلت الماء السي الكعبين الكعبب اللي تحت ده لقي الماء ابتدأت تغطي كعبه قال قیسس کمسان ۱۰۰۰ ، ۱۰۰۰کمسان فلقسے، الماء الماء وصلت لللإيه ؟ للركبة للركبتين قال له قيس كمان ١٠٠٠ فلقسى الماء وصلت إلى الحقوين لوسطه كمان قال لــه قيـس كمـان ٠٠٠ ادخل في الماء قال له ها اغرق طلعني بره قال له هسو ده السروح القدس فسى حيساة الكنيسة كل ما تمشى جوه كل ما تعرفه أكتر. الكنيسة أصلالما السروح بطبيعته اللي بتديه

الكنيسة ده طبيعة الله نفسه . فالله غير محدود الله غير محدود فمبيديسش السروح بكيسل مسش بيدى حتة. وده عيبنا إحنا على رأى إنجيل المرة اللي فااتت لما مرثا بتعاتب المسيح بتقول له لو كنت ههنا لما مات أخـــي لـو كنـت قاعد هنا النهاردة مكنش مات أخويا لأنه كان عيان قوى كان ممكن تشفيه قال لها لكن أنا هأقومه من الأموات . قالت لــه " لأ ديـة مـش عوزاها أنا كنت عوزاك تيجي قبسل ما يموت لأن أنا أقدر يعنى عندى إيمسان إنك تشفى " يعنى ما عندكيش إيمان إنى أقوم مــن المـوت ؟ قالت له لأ أنا بــس عند الحتـة ديـة مكنتـش بأطلب منك غير إنك تشفى .. اطلبي أكــــثر إيــه الروح القدس يفرق اطلبوا بغنسسي أبوكسم غنسي جدا اطلبوا .. ليه بتطلبوا قليك اطلبوا تكفوا

كي يكون فرحكم كاملاً . اطلبوا لمسا لاتهاية .. مش ممكن متطلبش . الحاجات الصغيرة لا تليق بإلسه غير محدود . والنهاردة مشكلة الإنسان فيلي القرن العشرين مشكلة عدم الشبع النفسي والروحسى والقليق والضييق. طبعاً طب ده حاجات مادية كلسها موجبودة لكن هو مش satisfied مش مبســـوط مــش ســعيد طبعا دية النتيجة الحتميه لأن الناس افتكرت إن ممكن السعادة تكون إيهه ؟ نفسية أو مادية أو اجتماعية يعنه للي شلة لطيفة مفرحة مفرفشــة. طـب وبعديـن مـش كـل حاجــة مظبوطة نفسية كويسة وعايش فرحان إلى آخره . لكن مش دية طبيعة الإنسان . طبيعة الإنسان الجديد لا يمكن أبسداً أن يشبع إلا من الله. لأن طبيعة الإنسان لا يشبع إلا من اللانسهائيات. لأن السروح اللسي فيسمه روح الله

وروح الله غيير محدود . هنديله إيسه ؟ ده ميستريحش أبدا إلا في حضسن الآب . حزقيال لما مشی ۱۰۰۰ قدم مشسی ۱۰۰۰ قدم یعنسی تعب يعنى جاهد يعنى ابتدى يخسش فسي المساء. أنا نفسى أقول يا أحبائي إن علاقتنا بالمسيح مش ممكن تكون من على شط البحــر كـده لازم نخش جوه نخش للعمق ۱۰۰۰ قدم . علسي قد ما تتعب تأخذ . على قد ما تعتبر إن فرحك يجيلك من جوه على قد مسن بسره يبقسي إيسه ؟ يبقى تافه . تبتدى الحاجات اللي بسره هلاهيل . زمان كنت أحس إن فــى حاجـات بتسـبب لــى سعادة وفرح من جـوه.

دلوقت دیة طبیعتی الجدیدة اللی هــی مـش ممکن أبدا ایه ؟ تتسرق منی عشان كــده الواحـد يحزن خالص لما يبقی هو ابـن لربنـا وطبيعتـه

الفرح والسلام لكن مسش فرحسان طسب ليسه ؟ طب أنا راجل عايش في الكنيسة أنا حزين أنا مش عارف أسيطر على نفسي أنا لـــي ضعفاتي لكن المسيح بيقول كده أنا أديكه فرح لا يمكن أبدا أن حد يأخذه منكم . إنتــوا غنـاى عـارفين بطرس وهو بيقوم الراجل الأعسرج "ليسس لسي فضة ولا ذهب لكن باسم يسرع الناصرى قم وامشى" فأديكم فرح لا يقدر أحد أن ينزعه منكم . طب والعالم ياربي اللسي بسره ده ؟ قال صدقوني ثقوا أنا قد غلبت العالم . العالم ما هو العالم لكن ثقوا إن العالم اللي انتــوا بتعملوا له ألف حساب ده عالم مغلوب دخلته أنا برجلي . المسيح عـاوز يقول كده . وإيه ! وصنفقوا لى يوم أورشليم وقسالوا أوصنسا لملك إسرائيل . ونفس العالم جالى في شـــكل رؤساء الكهنة وقالوا لى اتفاهم معانا فسسى الفلوس بدل

ما تقلب موائد الصبارفة فقلبتها جاني العالم في شكل هيرودس وبيلاطس قال لـــ قـل كلمـة وأنا أسيبك وهيرودس قسال لسي نتفاهم سوى و اعمل معجزة قدامي وأنا أطلقك منهم، سيبك منهم ، وطلعت على الصليب ووقفت ضد العالم كله على رأى أوغسطينوس يقول كده وضعت قدمي عليي قمية هنذا العالم يعني دوست على العالم برجليي كسده ووقفت على قمته عندما صرت لا أخـاف شـئ ولا أشـتهي شئ. ومنين جالك يا أوغسطينوس الشجاعة دى كلها لا تخاف ولا تشستهى ؟ قال آه " لأن أنا وجود ربنا معايا خلاص مفيش حاجة تخوفنے .

وده من هنا تقدر تحسس ليه هنو بيقول شيعرة واحدة من رؤوسكم لا تسقط. لأن

أصل أنا داخل في ملكية ربنا مسش لأن الشعرة مهم . ما الشعرة بتقع في النسهار ٢٠٠ شعرة في اليوم . قال لأ المسالة مسش مسالة شعرة تقع ولا متقعش المسالة إن إنت في ملكيت الشعرة تنزل بإذنه هل تتخيل هذا ؟ الشعرة اللي بتنزل كده وإنت بتلعب في شعرك بإذنه لأ أنت داخل في ملكيت في ملكيت تمام لا أنت داخل في ملكيت أنا مسالك المسيح . مالك الروح القدس .

الست العذراء كسان المسيح فئ بطنها فرحان وماليها سلام وفرح . تقول كده تبتهج روحى بالله مخلصى . إيه عدت الشهر السادس والسابع والثامن وابتدأت بطنها تكبر ابتدى الكلام يكتر الشهر التاسع يوسف قال مقدرش بقى أكتر من كده .. والكتاب المقدس يقول عليه إنه كان بار " إذ كان بسارا لم يسرد يقول عليه إنه كان بار " إذ كان بسارا لم يسرد

أن يشهرها " مقدرش أستني أكتر من كده . أر اد تخليتها سرا قال بالليل بقسى كده الساعة ١٢ .. اثنين بالليل ها أفتــح البـاب وأقـول لـها الله يحنن عليك اتفضلني يا بنتي لكــن أنـا مـش هاقدر أقعد معاك لكن الشريعة تحتسم عليه إنه يأخذها ويجببها في نصصف البلد ويلم الناس عليها ويحكموا عليها بالرجم . لكن لأنه راجل بار اكتفى إن هو إيه يخليها سـرا . لكـن يعنـي هیخلیها سرآ یعنی هتروح فین ؟ ا**تکلمسی بق**ی ياست يا عذراء .. تتكلم إيسه ؟ تتكلم إيسه ؟ هي هي فرحانه . هي مش هنا خـــالص .. هــي تشتكى من مين ؟ تقول ليوسف .. وهتقول له ايه؟ طب إيه يا ست يا عذراء ولا فتحت بقها. قالت لها أنا سمعت إن إنت في الشهور السادس وأنا جاية لك لأن أنا حاسة إن إنست تعبانة.

جایة اشتغل خدامة عندك الیومین دول . وایسه ده الجنین فی بطن الیصابات امتد من الروح القدس وركض بفرح ببتدی بتسهز ویسجد فی بطن الیصابات والیصابات تصدرخ والروح القدس یقول علی فمها من أیسن لسی أن تساتی أم ربی إلی . ایه اللی دختك بیتسی هنا والعدراء كده تقول تبتهج روحیی بالله مخلصی لأنه نظر مخلصی أنا الخاطیة لأنه نظر الی النا الخاطیة لأنه نظر السی انتا الخاطیة المته نظر السی خدامسة .

العذراء بدء الأفراح مسش كده مظبوط ؟ لأن هى كانت حاملة المسيح . الكتساب المقدس يقول عنها المزمور إبه إن صسهيون الأم تقول إن إنسانا وإنسانا حل فيها وهسو العلى الذى أسسها . ومرة ثانية يقول أعمال مجيدة قد قيلت عنك يسا مدينة الله لأن سكنى الفرحين فيها . مرة ثانيسة يقول عنها أساساته في

الجيال المقدسة أحب السرب أبسواب صهيون. دية جبل .. العذراء دية . وأساساته ربنا كان جوه الجبل . وضعت قدمسي علسي قمسة العسالم عندما صرت لا أخاف شئ هتخاف بقى من ابه ؟ ده مش كلام ده حقيقة عاشيتها العدر اء. أنا بأقول العذراء .. أنسا بحسب أقسول العنذراء لأن العذراء هـي باب الاتحاد بربنا لأن أنا واخد منها وواخد من ربنا لا أخاف شے ولا أشتهي شيئ . طبعا مقدرش أقول لواحد متشــتهيش شــئ لأن ديــة طبيعتــي أن اشــتهي الأكل اشتهى الشرب، اللبسس ، وأشتهى كل الحاجات دية . لكن مين بقى اللي فسي العذراء؟ العذراء جواها شهوة الأجيال كلها ، شهوة الأجيال كلها رب المجد بحيث إنها زيادة عن كدة تبص للحاجات اللي كانت بتبص لها بره

يعنسي تبسص لأى بنست فسي سن العسذراء. العذراء عندها ١٤ سينة شيوف بنيت في ١٤ سنة تبص لإيه تبص لجمالها مثلا قصاد المرايا كده عشان تتذوق ولا حاجة يقسول عنها الكتاب المقدس كل مجد ابنة الملك مسن داخسل. الجمال اللي عاوز تشوفه جوه بطبين العنذراء. من داخل جوه فكرهـا ، جـوه حياتـها ، جـوه نفسيتها لأن شهوة حياتها هــو ربنا . وبتاخذ من بره شهوتها ؟ من بره قال لأ . شهوة كلها حب في شخص ربنا يسوع . تبتهج روحي بالله مخلصى . أنا فرحانه بيه الفسرح بتساع العذراء كسان فرح كبير خالص . وضعت قدمي على قمة هدذا العالم عندما صدرت لا أخاف شئ ولا أشتهي شــــئ.

يا أحبائى إجنا في الواقسع عطية السروح القدس لينا .. زى ما بيقول بولس الرسول في

رسالتة لغلاطية ثمر الروح محبسة فسرح سلام طول أناة لطف صلاح إيمسان وداعة تعفف. هذه الثمار لازم نحاسب نفسينا وإحنا في بدء صوم الست العذراء بشفاعتها وهي فتحست لينا السكة .. هي اللي فتحت لينا علي رأى الكنيسة لما تسميها باب السسماء . لأن العذراء هي اللسي فتحب السكة إزاى خلب الجنس البشرى عن طريقها يتحد بيه (كلمة الله). لابد إن الروح اللي ساكن فينا يكون لــه ثمر . وإذا مكنش ليه ثمر يقسول إيه يقول الكتاب المقدس: لا تحزنسوا روح الله الساكن فيكسم. يقف حزين كده لما روح الله يقــف حزيـن فــي الإنسان يبتدى الإنسان كل حياته تبقى إيه ؟ تبقى فاضية .. يعنى روح الله مثبوت كده .. روح الله طبيعته يفجر ينابيع ماء حسى . ومرة ثانية يقسول لا تطفئوا روح الله ومسرة ثانية يقول لا تسكروا بالخمر امتلئوا بسالروح.

لأجل هذا يا أحبائي كلل واحد مننا في بدء الصوم المقدس ده يطلب من البروح يثمر في حياته . ترضى حياتك تكسون شجرة من غير ثمر ؟ أنست عسارف يبقسي إيسه قيمتها ؟ ملهاش قيمة .. لكن يقول عنها الكتـــاب المقــدس الشجرة اللي فيها ثمار الروح القدسس كالشحرة المغروسة على مياه الروح القدس . على مجاري المياه التي تعطي ثمرها في حينـــه وهـو ده المزمور الأول اللي بتقولــه باستمرار كـل يوم الصبح . أفتكر إن إنست شجرة مزروعة على مجارى مياه الروح القددس تعطسي ثمرها في حينه إيه الثمر المطلوب منك ؟ حب .. فرح .. سلام .. طول .. أنساة .. لطف .. صلاح .. إيمان .. وداعة .. تعفف . وإلى

اى حد ؟ إلى مسا لاتهابية .. لأن لا يعطى الله الروح بكيل . لا يعطى السروح بكيل . تيار الماء بتاع الروح القدس ملوش نهايسة .

عشان كده السهنا الصالح قادر إن هو يفجر فينا ينابيع الروح القدس في بداية هذا الصوم المبارك ويجعلنا كلنا أن نكون أشجار مغروسة على مجارى المياه يثمر لحساب ربنا .

ولإلهنا المجد الدائم أبديا آمين.



عنب. عبد السيدة العدراء حالة الحديد

أما مريسم فاختسارت النصيب الصسالح الذي لن ينزع منها .

الإنجيل بتاع النهادرة بيتكله على مريسم اللي قعدت تحت رجلين المسيح وقال عنها المسيح كسده. مريسم أخست لعسازر اختسارت النصيب الصالح الذي لن .. ولسن توجد قوة في الوجود . الدي لن ينزع منها .. مين يقدر أن يفصلنا عن محبة الله التي في المسيح يسوع .. إنت يسا مرثسا أنست تهتمين وتضطربيس الأجل أمور كثميرة . مأساة الإنسان وضعفي وضعفك نحن مسهتمين بأمور كثـــيرة .. بــامور كثــيرة كثــيرة جــدآ والحاجة إلى واحد مريسم اختارت النصيب الصالح الذي لن يسنزع منها .. نصيبنا هو

المسيح . الليلة دى يا أحبائى إحنا بنعيد عيد العذراء حالة الحديد اللي هو ٢١ بؤونة وده العيد من أعياد الست العيذراء الكبار وتذكار بناء كنيسة على اسمها في مدينة فيلبى .. وكلمة حالة الحديد لأن متياس الرسول في السجن وطلب شفاعة العذراء فيانحل الحديد . واتغيرت طبيعته يعنى .

إحنا كنا بنتكلم دلوقتى عن الفرح .. الكنيسة بتسمى العذراء بدء الأفسراح. ولها نشيد حلو قوى .. نشيدين بيتقالوا في أول القداس واحد في أول قداس الموعوظين .. وواحد في أول أول قداس المؤمنين .. وواحد في أول أول قداس المؤمنين .. إذا معناها إن القداس بيبتدى ببركة تعطى من العذراء وبصلاة من العذراء .

السلام الأولاني يقول السلام لمريم الملكة . وفي أول قداس المؤمنين بعدها بنقول بشفاعة والدة الإله نقول افرحي يا مريم الأم والعبدة لأن الذي في حجرك الملائكة تسبحه .

فالكنيسة بوعيها ده سهمت العدراء يدع الأفراح .. بدء الأفراح .. إن كنت أنسا حسيت وأنا باتكلم عن الفسرح نسيت شيئ .. نسيت أتكلسم عن العنذراء .. لأن العنذراء بسدء الأفراح.. أول معجزة صنعها ربنا يســوع فــي قانا الجليل .. أول معجزة كانت معجسزة فرح.. كسان فسرح حضرتسه السست العسذراء واتقلب الفرح إلى غهم وحهزن وطلبهت مهن ابنها إن هو يصنع معجزة وتحسول الماء إلى خمر في عرس قانا الجليال واتقلب الحزن إلى فرح ويقول معلمنا يوحنا في تعليقـــه علــي الآية الجميلة دى .. هذه أول المعجزات أو الآيات صنعها يسوع فى قانا الجليل فآمن به تلاميذه . إذ رأوا الست العذراء بدء الأفراح فرحت جنسنا .

هانشوف الرباط العجيب جدا بين كيرنس عمود الدين والست العسذراء. لأن في الواقع هو كشف عن أسرار التجسد وهــو اللــي سماها والدة الإله وثبت هذا الأسم في قانون الكنيسة وهو اللي سماها أم النور .. هــو اللـي رسم للكنيسة الصورة اللي هـي موجـودة ومـا تتغيرش العنذراء حاملة المسيح . العندراء ثيؤطوكوس والدة الإله .. هــو الدي أضاف لقانون الإيمان نعظمك يسا أم النسور الحقيقسي لأن ليه هي بدء الأفراح لأن في الواقسع الفرح اللي بيعطي من العسالم بيتاخد ثاني .. لكن

كيرلس ده اتكلم عن طبيعة المسيح الواحدة.. الطبيعة الواحدة مش الطبيعتين .. يعني جسد . . جسد من السنت العنذراء اتحد اتحاد بدون اختلاط ولا امستزاج ولا تغيير وبدون اختلاط ولا امتزاج ولا تغيسير وبسدون انفصال.. هذا الاتحاد معناه إن فيسله ثبات لن ولا يمكن أن توجد قوة تفصله مسرة أخسري .. علشان كده العذراء هي بدء الأفسراح لأن هي بدء الاتحاد. بدأ الاتحاد بين كلمسة الله والطبيعة البشرية اللي أخذ منهها اللحم والسدم أصبح اتحاد قائم لا يمكن أن ينفصل .. علشان كده الكنيسة قالت لما الست العدراء قدامكم تكون حاملة المسبيح لأن هي مش منفصلة عنه .. ولغايسة دلوقستِ المسيح فسي السماء بالجسد الذي أخذه من سيدتنا الست العذراء ولغأية دلوقست نحن علسي المذبسح

ناكل الجسد " هو الجسد الذي أخذه مـن سـيدتنا كلنا القديسة الطاهرة مريـم .

فإذا كان حدث اتحاد لا يمكن أن يعقبه انفصال يبقى إذا هذا الفرح فرح دائم لا يمكن أن يعقبه حزن ولا يقدر أحدد أن ينزعه مننا.

ففیه سر هنا بین العذراء والفرح الدائم، لأن الاتحاد الذی تم فی بطنها اتحاد لا یمکن أن یعقبه انفصال أبدا .. أو یکون فیسه طبیعتین منفصلتین .. صحیح هو اتحاد بدون اختلاط أو امتزاج أو تغییر زی کیرلس ما قال کاتحاد النار بالحدید .. الحدید محمی تلقی حتة حدید مولعة نار .. تلاقیها مولعة نار طبیعة الحدید موجودة .. طبیعة النار موجودة ولکن مش ممکن فصل الاثنین عن

بعض أبدا ماينفصلوش لأن هم متحدين .. ولكن بدون اختلاط ولا امستزاج .. هذا الفكر اللاهوتي الجميل . ده مش مجرد بحث لاهوتي ولكن سلام عميق للنفوس المؤمنة إن الله دخل في حياة الإنسان بدون انفصال في حياتنا الداخلية .. في أعمالنا .. في كل ما تمتد إليه أيدينا .. نحن نؤمن بوحدة الطبيعة إن الله اتحد بطبيعتنا في شخص الست العذراء . علشان كدده العنزراء اسمها بدء الأفسراح .

وإحنا بنسبحه في الكنيسة ونتكلم عن التجسد الإلهى نقول إن المسيح عن طريق العذراء قلب حزننا إلى فرح .. قلب حزننا إلى فوح .

مريم اختارت النصيب الصالح السذى لن ينزع منسها .. علشان كده المزمور بتاع النهاردة بيقول أعمال مجيدة قيلت عنك يا مدينة الله .. أعمال كثيرة كل مجد ابنة الملك من الداخل .

العذراء سر الفرح .. سر الفرح في الكنيسة. تقول لي العنزاء أقول لي العنزاء أقول لي أه العنزاء بدء الأفراح لأن العنزاء فيها اتحاد طبيعة الله بطبيعة البشر اتحاد ليس بعده انفصال ففيها كل الأسرار.

عظيم هـو سـر التقـوى الله ظـهر فـى الجسد ". هذا هـو الجسـد الـذى أخـذه مـن سيدتنا القديسـة الطـاهرة مريـم .. هـذا هـو الجسد الذى صعـد علـى الصليب واعـترف الاعـتراف الحسـن أمـام بيلاطـس البنطــى وأسلمه على خشبة الصليب المقدسـة يعطـى عنا خلاصا .. خفرانا للخطايـا .. حيـاة أبديـة


لكل من يتناول منه .. هو ده الجسد اللي فيه طبيعة ربنا اللي إحنا بناخذه .. اللي إحنا بنتحد بيه ولا يمكن أن ينزع منا . يقي ده سر .. سر كبير خالص .. سر الفرح في الكنيسة .

قلت لك في أول الكلم إن الفرح خلقة جديدة وطبيعة جديدة حصلت في الكنيسة. إنت كنت فاكر يعني بأشبه كدة .. لا ده خلقة. خلقة فعلاً جديدة .. ده طبيعة جديدة. الناس تفتكر إن المسيح هايسيب الكنيسة كده ويرميها في العالم لا ده خلقها خلقة جديدة أصل طبيعتها الفرح . مانديهوش من برة مابتاخدوش من تعزية إنسان ولكنه في عمق طبيعتها الداخلية .. لا يقدر أحد أن ينزع فرحكم منكم .

من أجل هسذا يسا أحبائي نحسن نضسع العذراء مريسم باستمرار في أول القداس .. في أول قداس الموعوظين نقول السلام لمريم الملكة .. في أول قداس المؤمنين نقول " افرحي يا مريم الأم لأن إنست بدء الأفراح بتاعتنا . وعايزك تتصور هذا المنظــر الرائــع الجميل موكب الكنيسة الفرحسة وفسي مقدمتها الست العذراء بدء الأفراح .. منظر الكنيسة المجربة في وسط العـالم والمعرضـة لـهزات عنيفة والعذراء بتقول ليس ليهم خمر وتقلب حزنهم إلى فسرح .

فإحنا دلوقت يا أحبائى وإحنا بنحتفل بعيد العذراء حالة الحديد نحن نحتفل كما علمنا كيراس عمود الدين بالطبيعة الجديدة

التى جعلت الفرح يلتحم بطبيعتنا ولا يمكن أن ينزع منا مهما كان في هذا العالم . الهنا المجد دائماً أبدياً أمين .



عيد دخول السيدة العذراء الهيكل

نشكر الله السذى أعطانا هذه البركة إن إحنا بعد سهرتنا إمبارح .. والقداس يدينا كمان بركة السبت العذراء في الليلة دى .. وكل واحد تعب ونزل من بيته وجه مخصوص العذراء تفتكره ببركة خاصة في العشية دية وتبارك كل أولادها وكل اللي بيمسكوا فيها .

النهاردة الكنيسة بتحتفيل بدخولها الهيكل في سن ثلاث سنين وكنيستنا جميلة ولطيفة إن هي حطت العذراء كنميوذج أو كمدرسة مين طفولتها. اتجمعيت فيها كيل الفضيائل وكيل الصفات الحلوة وكل البركات أصبحيت مدرسة المزمور قيال عنها إن هي مدينة .. مدينة

كاملة .. ويقصد بكلمة مدينه يعنسي فيها كهل حاجــة .. كـل حاجــة تلاقيــها فــي المدينــة . و بعدين يقول أعمال كثيرة قيلت عنك يـــا مدينـة الله .. مدينة ساكن فيها ربنه وأعمال كثيرة جداً قيلت عن مدينة الله وسكنى الفرحين فيك طبعاً لأن اللي يسكنوا مسع العنزاء اللسي هي مدينة ساكن فيها ربنا هم حياتـهم هـاتكون فـرح مستمر. أعمال كثيرة قيلت عنها مدينة الله لأن الله ساكن فيها . كل الله يسكنوا معاها في هذه المدينة يعيشوا فرحين لأن سكني الفرحين جميعهم فيك أو زى ما بتقول عنها التسبحة إن هي بدء الأفراح أو المديحة إن هي بدء الأفراح . اللي هي بتجسد ابنها تقول عنها التسبحة قلبت أحزاننا إلى أفراح . وليس المقصود مجرد الفرح العادى ولكن الفرح الروحسى .. الفرح الروحسى .. مين يبسص لأيقونة العذراء ومسا يفرحش .. الفرح اللسى قال عنه الكتاب لا ينطق بسه ومجيد .. الفرح اللي ناتج من وجود ربنا .. الفرح من وجود اللي ناتج على ذراعها لأن هي بدء الأفراح .

ده العهد القديم لما يتكلم عسن ربنا يقول اللي يلمس الجبل اللي يظهر عليسه ربنسا بمجده كان الجبل يدخن ويولسع وتظهر منه بروق وأشياء رهيبة . اللي يمسه يمسوت . لكن هي حملته في بطنها .. وحملتــه علـي ذراعيـها .. فهي ينبسوع فسرح الكنيسة .. وينبوع تعزيسة للكنيسة وينبوع بركات ليس لها حدود .. هسى أم الله .. هي الشفيعة الأمينة. هي اللسبي بساركت جنسنا .. جنسنا كان في التراب أصلنا تراب. وتراب وحش ومعجون بالخطية وبالشهوة قال عنه داود بالشهوة اشتتهتني أمسي-

بالشهوة حبلت بي .. إنسان ردئ .. جنــس كلـه ضعف .. شرفت جنسنا لأن أصبـــح لنا جـرأة في العذراء إن إحنا نقول إن إحنا أولاد ربنا. لأن في العذراء إتبارك جنسنا وهي شفيعة جنسنا .. لأن هي مننا وهي عــن يمين الملك تشفع فينا باستمرار وتطلب من أجلنا وتصلي عنا .. وحتى لو لقتنا ما عندنــاش خمـر مفـرح تطلب من ابنها وتقول لــه ليـس لـهم خمـر .. ليس لهم خمر .. إقلب كــــل فتورهـــم الروحـــي وحزنهم الروحي وضيقتهم الروحية .. حول الكنيسة إلى معصرة خمر .. بشرب الكسل من محبة ربنا ويفرح الجميع .. ليسس لسهم خمسر .. املأوا الأجران .. فرحوا العـــرس ..

الكنيسة هي العُرس بتاع المسيح .. العذراء في وسط الكنيسة هي ينبوع بركات كثيرة .. باركت جنسنا وشفيعة جنسانا .

العذراء الطفلية اللي دخلت السهيكل .. إحنا العذراء الطفلة اللي دخلت الهيكل .. إحنا ياما نقعد نشتكي أو نتحجيج عن أسباب مختلفة للفتور .. ونقول إن إحنا الظروف .. إلى أخره .

العذراء طفلة لكن أحبت ربنا من قلبها على رأى الإنجيل الليلة بيقول اخترات النصيب الصالح الذى لن ينزع منها .. فاحبت ربنا فكانت عايشة في حب مستمر .

والعبادة بتاعتنا يا أحبائي لما تختلط بمحبة الله تتحول كلها إلى انتعاش روحى وإلى فرح مستمر . لكن اللي بيسبب الفتور في حياتنا الروحية أنه بتكون العبادة خالية من محبة ربنا فتتحول إلى شكل فرض .. فالصلاة يبقى فرض والصوم يبقى فرض

والتناول يبقى فرض .. ومجيئ الكنيسة يبقى فرض .. وعمل الخير واجب النبى آلحره .

لكن لما يتملى قلبنا بحب ربنا .. لما تنفجر ينابيع محبة ربنا في قلبنا نتعلم من العذراء تصبح العبادة هوايتنا والمتنا والعيشة مع ربنا هو رجانا وأملنا كله .. والنصيب الصالح هو المسيح بتاعنا اللي إحنا اختارناه وهو ده اللي ماينزعش مننا .. وكل ما كان لي ربح حسبته نفاية بعدما أخذت نصيبي الصالح الذي لن ينزع منا .

العذراء اختارت ربنا ليسها فاصبح ربنا كل حياتها .. مصدر فرحها وسلامها . ما اشتكتش وقالت أنا طفلة غلبانة وماليش حد وأهلى سابونى وآدينى قاعدة فى السهيكل ماحدش بيسال عنى .. ما اشتكتش وقالت بيدونى الشغل الثقيل فى السهيكل وأنا تعبانة

وأنا ما بأخذش حقى منهم .. ما بأخذش الكرامة .. وبيدونى الأشسغال الوحشة ويخلوا الأشغال الكويسة ليهم .. السعدراء مشعولة بنصيبها الصالح الذى لم ينزع منها أبدا ..

العنذراء عاشت في السهيكل . وفيها بأقولك كل الصفات وكسل الفضائل . إن كنت تحب تتعلم خُدها صديقة ليك زي ما بيقول الكتاب صديقة سليمان الكنائسسي .. خذها صديقة ليك تعلمك .. تعلمك الحب شه .. تعلمك الوداعة.. تعلمك الطاعة.. تعلمك عدم التذمسر .. تعلمك الاتضساع .. وتعلمك الصمت وتعلمك الصلاة .. وتعلمك الصوم .. وتعلمك الخدمــة .. تعلمـك الخدمـة .. أسـتاذة في الخدمسة .. لما سمعت عن أليصابات راحت خدمتها وقعسدت عندهسا لغايسة الشهر

التاسع جات تولد سلابت البيست وبعدت عن الزيطة والهيصة ورجعت إلسي بيتها لأنها تحب تخدم في الوقت اللي ما يكونـش فيــه حــد. تخدم في الخفاء .. احتملت .. احتملت كل الأفكار اللي حالت في فكر يوسف .. ولسم تفتح فمها لأنها كسانت تتطلسع دائمسا إلسي نصيبها الصالح . وديعة ومتواضعة .. لـم تسمع عنها مرة إنها اتكلمت كلمة فسي الكتساب المقدس إلا إن هي نطلب الخبير للكه .. والعرس كله وتفرح الناس .. خادمة ووديعة .. متواضعة مسلمة حياتها لربنا .. لما طلعبت من الهيكل طلعت بفرح أيضا وبسرور عارفة إن مستقبلها في إيدين ربنا .. مش مستقبلها في إيدين اللي طلعوها من السهيكل .. عارفة بكرة فيه إيه .. بكرة فيسه ربنا .. بكرة ربنا ها يرتب لها كل شـــئ .. بكرة ربنا هـو اللـي مسئول عنه هى ما بتهتمش بالغد .. هـــى بتـهتم زى ما بيقول بولس الرســول لا تـهتموا بشــئ بل فى كل شئ بالصلاة لكى تعلم طلبـاتكم لـدى الله هــى فرحانــة وشــبعانة بنصيبها فـــهى مايهمهاش جوة الهيكل ولا بـرة الـهيكل ..

النهاردة إحنا بنعيد لها عيد كبير لأن هي بدء أفراحنا .. رسمت لنا طريق خلاصنا .. هي الست العنزاء تحتاج لتأمل كتير .. ولدر اسة . ولعشرة .. ولعشرة لأن الليعاشرها يتعلم منها ويأخذ منها كثير .. خليها صديقتك .. اتعلم منها . هي تباركك .. وتعطيك الكثير .. تفرح حياتك .. تميلاً حياتك وتعطيك الكثير .. تفرح حياتك .. تميلاً حياتك سلام .. وتعطيك الطريق للنصيب الصالح الذي لن ينزع منك أبيداً .

لالهنا المجد دائما أبديا أمين .

فى هذه الأيام المقدسة تبتدى احتفالاتنا واستعداداتنا لعيد الميلاد المجيد والنهاردة الأحد الأول من شهر كيهك ولنا حسب ترتيب كنيستنا الأربع آحاد دية كل القراءات فيها بتدور حوالين الإصحاح الأول من إنجيل معلمنا لوقا. واستعداد الكنيسة لبشارة زكريا وأليصابات وبشارة السنت العنزاء وميلاد يوحنا وميلاد السيد المسيح له المجد .

والترتيب ده قصد بيه إنه يهيئ أذهاننا لهذا الحدث الخطير الذى سيتم فيى نهاية هذا الشهر . من أجل هذا اليوم يا أحبائى انتظرت البشرية آلاف السنين قبل مجيئ السيد المسيح ومن أجل هذا اليوم كتب الأنبياء قبل مجئ السيح بآلاف السنين .. ومن أجل هذا اليوم

أيضا نحتفل في كسل سنة .. بقسى لنسا ٢٠٠٠ سنة بنحتفل بعيد الميسلاد .

في القرون الأولسي كسان عيد الميلاد يحتفلوا به مع عيد الغطاس. يحتفلوا بالعيدين مع بعض .. إحساس روحي إن ميلاد ربنا يسوع المسيح يرتبط ارتباط كامل بميلادنا. لأن لولا ميلاد المسيح وظهوره فيي الجسد ميا كان ممكن أبدا للإنسان إنه يوله مسن السماء من الماء والروح ويصبير ابنا لله . ما كان ممكن أن يكون هذا . لذلك فتجسد ربنـــا يسـوع المسيح كسان بدء كسل البركسات الروحيسة للبشرية وكأن بدء بنوتنا لله ودخولنا في شركة الاتحاد في شخصيه المبارك .

النهاردة بيكلمنسا الإنجيسل عسن زكريسا وأليصنابات العيلسة البسيطة دى كسانوا بسارين

ودى شهادة لمّا تبقى من الإنجيل لعائلة تبقي شهادة عظيمة جدا . إن هم كانوا بارين شهادة عظيمة جدا .. وطبعا الأحدداث العظيمة اللي تمت بميلاد السسيد المسيح من العذراء القديسة مريم وميلاد يوحنا المعمدان مسن هذيسن الأبوين البارين يكشفوا لنا سير مهم جداً . إن الطفل المقدس لابد أن تكون لـــه تربـة أو بيئـة مقدسة لكي ينشا فيها . لذلك لا نسبتطيع أن نعيب على أو لادنــا انحرافـهم أو نعيبب علـى أو لادنا سوء سلوكهم أو عدم طاعتهم . لأن البيت المقدس اللي سالكين في وصايا الله بوداعة حسب وصبية الإنجيل هذا البيت عندما ينشأ فيه الطفل ينشأ نشأة مقدسة .. ومــن ناحيـة أخرى أيضا عندما يريد الله أن يتمجد في

أولاده ويختارهم لخدمت يختارهم أيضا من بيت يكون فيه أيضا معرفة الله ومحبة الله . لكن ها نصطدم بحاجات مهمة خالص إن العيلة دى كانت عيلة بارة وعايشة فى جميع وصايا الله وأحكامه .

لكن كانت عيلة مجربة وهنا حسب منطق العالم مفروض العيلة ديسة اللي هي عايشة حسب وصايا الله وأحكامه يكون ربنا راضي عنها عنها، ومادام ربنا يكون راضي عنها فالمفروض يجيب لها طلباتها أو على الأقل تعيش زى بقية الناس، مش عايزين إحنا نطلب من ربنا أكثر من هذا إن إحنا نعيش العيشة السهلة العادية زى بقية الناس، وده ناس عايشين فى خوف ربنا فأعطيهم ولدد لكن ما إداهمش ولد، وحسب التقليد اليسهودى يبقى ما إداهمش ولد، وحسب التقليد اليسهودى يبقى

ربنا غضبان عليهم فأصبح عار عندهم وطلبوا كثير وما يستغناش الأمسر لازم اليصابات برضه قالت لزوجها مش ممكن تشوف لنا عيل نتبناه ولا حاجة ولا نوجد حل لهذه المشكلة لكن الناس ها تعرف برضه العيلة دية رغم إن هي عايشة مع ربنا لكن ربنا ماسمطهاش بالعيشة العادية.

فى العهد القديم حصلت نفس الظروف الإبراهيم . وإبراهيم أخذ مواعيد كثيرة من ربنا لدرجة إنه أخذ وعد إنه ها يكون ليه وبنسله تتبارك جميع الأمم. إبراهيم هذا جاءت امرأته قلقت . قالت له أنا مش طالبة حاجة .. أنا عايشة في خوف ربنا أنا عايزة أعيش عيشة عادية. حل لنا المشكلة دى يا إبراهيم لكن ربنا مش عاوزنا نعيش عيشة عادية .. عاوزنا نعيش عيشة فوق العادية .. عاوزنا نعيش عيشة فوق العادية .

ايسه الحسل؟ قسالت لسه عنسدك هسساجر واتجوزها وهات منها ولد أهو يبقي عامل لنا حسس فسي البيت . بعدما خلسف اسسماعيل واتضایقت هی من اسماعیل قسالت له اکرشه اتأثر إبراهيم لأنه ابنه وبعدين طلبب مسن ربنا وقال له أعمل إيه في الولسدده ؟ يساتري إنست غضبان عليه قسال لسه لا أبدا مسش غضبان عليه. ده أنا هاباركه وأرعاه هــو وأمــه هــاجر في البرية وهاشوف لسهم كسل طلباتهم ومسلاك ربنا هايحرسهم . لكن منش هو ده الليي هاتحصل بيه البركــة . الولـد ده صحيـح سـد الفراغ اللسي كسان موجسود فسي البيست وحسل المشكلة المادية إن هـم كمانوا محتساجين لولمد الإنسان عاوز اسماعيل .. الإنسان عاوز

اسماعيل .. عاوز اسسماعيل .. إيسه اسسماعيل. خطية اسماعيل يعنى .. لا مسش خطيسة . لكن اسماعيل في نظر سارة إن هو الحياة العادية. الحياة العادية وده اللي إحنا بنستغرب له إن الناس اللي بتبقى ماشية مع ربنا تعيش حياة اقل من العادية أو تتعرض لتجارب ما يتعرضلها الإنسان العادي . حكمة ربنا واسعة وعميقة وقصد إلهي.

لكن باختصار علشان مانشردش فى الموضوع فيه .. قدامنا حاجتين نختار اسماعيل ولا نختار اسحق . اسماعيل هو الحياة العادية نبقى احنا نحل مشكلتنا ونبقى زى بقية الناس .

اسحق مستنى زى ما ربنا بامر .. وزى ما ربنا يريد فى الوقت اللى هو عايزه وفى الوقت اللوقت اللوقت اللوقت المناسب لتكن إرادته . لأن أنا لو

رحت جبت ولد غصب ربنا بطریقتی بحیلی . انا مش غصب عن ربنا بجبلی . الولدده ها یبقی سبب فکر فی البیت .ده الولدده ها یبقی سبب غم فی البیت . والولدده ها یبقی سبب کآبة فی البیت . وبعدین أول واحدة ها تشتکی من الولدده فی الآخر هی أمسه .

لكن أنا لو سلمت أمرى لربنا هايعطينى فى الآخر بركة روحية أنا ما أعرفهاش ها تكون إيه .. لكن هى قصد ربنا حاجة مستخبية. قعدوا يطلبوا من ربنا سنين طويلة . والإنسان البار طلبته ما تستجابش من الناحية المادية . والإنسان العادى من مجرد ما يطلب من ربنا أنا عاوز عيل يدى له بدل العيل عشرة . والإنسان البار ما يسالش ربنا عنه عشرة . والإنسان البار ما يسالش ربنا عنه لأن ربنا هو ماسك حياته وبيرتبها .

برضه عايز أقول أن فيه حياتين . حياة عادية و دي مش خطية . يعني لمـــا أعيـش زي بقية الناس دى مش خطية . لكــن أحيانا رينا يحب يخليني أعيهش عيشه القديسين فيقوم يضغط على شوية الحياة العادية اللي هي الحياة السهلة .. الحياة اللي فيها راحهة ..الحياة اللي ما فيهاش تعب . يعنى أنسا عسايزني أيسه ؟ يا أبونا. بنقراً إصحاح في اليوم وبنصلي الصبح وبالليل وما بنؤذيش حد وحياتي الحمد شعادية دى الحياة العادية اللسي الإنسان بيرجوها في العالم .. وبعدين فيه حياة ثانية اللي بيقول عنها الكتاب المقدس كثير ونقرأها وتتلخبط .. " الخلوا مسن الباب الضيق " .. " من أراد أن يكون لي تلميذا يحمل صليبه ويتبعنى " .. " اذهب بع كل مالك وتعال اتبعنى " .

الحياة دى حياة إنسان ابتدأ يطمع إنه مش يعيش الحياة العادية لكن عسايز ياخذ من ربنا أقصى مسا يمكن إن هو ياخذه حسب مراحم ربنا الواسعة .

الأمر الثاني يا أحبائي في تـاخير ربنا إن هو ما يديهمش ولد في نظر النساس كان عقاب. لكن في نظر ربنا كان له حكمة .. وحكمة ربنا الإنسان مش قادر يدركــها . فقاعد يلطش .. سارة اقترحت أن إبراهيم يتجوز هاجر . فیه اقتراحات کثیرة وتستغرب جدا لما تجد كثير من الناس اللي بتصلي وبتعرف ربنا في الكنيسة بتعتقد في السحر وفي العمل وفي الحاجات اللي برة دى ٠٠ ليــ لأن هـم لمـا تضيق بهم الحالة شوية وبعدين يبصوا يلاقوا ربنا ما جبلـــهمش فـرج سـريع يقولـوا احنـا

عايزين نستريح بأسـرع مـا يمكـن . لأن لازم نستريح . ربنا مش خالقنا للتعب فيطلبوا الراحة بأي طريقة كانت. أو مثلا طريقـــة ثانيـة إنك تبتدى تيجي لأبونا وتقسول له أنسا عندى مشكلة كذا ولازم تتحل يبتدى أبونا يجسهد ذهنه علشان يوجد لك مخرج يعمل لسلك فتسوى أو أي حاجة تطلع من الضيق دى اللي أنت فيها بأي طريقة يتعاون معاك على إن هبو يسهل لك السكة ما فيش مسانع. لكسن مسش دى الطريقة اللي رينا كان يتمناها مني إن هو يحبني أن أنا أسلم له وأقرول له لتكن مشيئتك ولتكن إرادتك .

الأمر المهم الذى كان ينقص هذه العائلة رغم إن هى كانت بارة أمام الله إن هسى تعيش حياة التسليم الكامل . لتكن إرادتك . فيسه فرق كبير قوى ببن العيلة دى وبين مشاعر الست

العذراء. الست العذراء قالت للملاك إيهه هوذا أنا أمة الرب ليكن لي كقوله " .. أنه خدامة خدامة ربنا واللي يقوله ماشهي .

ومن الطلبات الرائعة جددا والجميلة في "أبانا الذي" أن بنقول له لتكن مشيئتك .. لتكن مشيئتك . لتكن مشيئتك . هذه العيلة رغدم إن هي بارة لكن هي قلقة .. مش مسلمة .. دة في العنهد القديم.

أما فى العهد الجديد يا أحبائى فاصبح التسليم لإرادة ربنا شرط في منتهى الأهمية للحصول على السلم الكامل والتسليم لإرادة ربنا فى كل الظروف .. في الضيق .. وفي الحياة السهلة .. لأن لنا ألم المعنا المعنا السمه عماتوئيل الذى تفسيره الله معنا . يعنى هو معانا .. وهو قال أنا معاكم كل الأيام وإلى

انقضاء الدهر . علشان كدة إحنا بنقول له لتكن إرادتك .. اعمل اللي أنت عساوز تعمله.

المشيئة لربنا ؟ أهي عيلة أهية كاهن وزوجته عايش في مخافة ربنا لكن قلقينن وبعدين هل ممكن شخص متدين بيقي قلق ؟ تفتكر النهاية ها تكون أيسه ها يوصل لمرحلة الياس .. اليأس ده لما الملاك جاء له وقال له هما تجيب ولديا زكريسا كان لازم يصدق الملك لأن الموضوع مش موضيوع سسهل ده جای من ملاك واقف له قدام مذبح البخور عن يمين مذبح البخور وقال له أنا جبرائيل اللــــى بــأكلمك دلوقت وفي نفس اللحظة وأنا واقسف أمسام الله . فيقوم يقول له إيه ؟ يقول له مش معقــول .. مـا خلاص راح الأمل أنا النهاردة فيى سين الياس وحسش قسوى سببه إيسه اليساس .. اليساس ده

مرحلة أخيرة للإنسان اللى مسا سلمش لمشيئة ربنا فقلق ولما زاد القلق .. زاد القلق فانتهى بالفشل أو اليأس .. بسلاش أقول الفشل أقول اليأس إن ربنا فيه حتت مش ممكن يقدر يعملها أو مش ممكن ها يعمل فيها أحسن من كدة خلاص .

عاوز أقول يا أحبائى إن الياس خطية زى القلق الاثنين مرتبطين ببعض سببهم عدم التسليم. يا سلام على الإنسان المسيحى لما يحط حياته في إيدين ربنا لتكن إرادته ولتكن مشيئته وعلى شرط في الضيق أكسش ما يكون في أوقات الفرح.

النقطة المهمة جدا أنا عاوز أفهم ربنا يعنى إنه بيلعب بالناس زى الشطرنج كدة . واحد ما يجبلهوش عيال وواحد يجيب له عيال

أنا اتعودت أن أحلل الموضكوع ده من ناحيتي الشخصية فقط .. ليه ربنا ما يدينيسش أنسا وليسه ربنا يدي ده ؟ وليه ربنا يجربنسي أنا التجربة ما كنتش أستاهلها وليه ربنـا ما يجربـش ده ؟ فأنا دايما لما بأناقش الموضسوع دة بأناقشسه فسي نطاق ذاتي يعني بالف حوالين نفسي . لكن ربنا كان بيعالج الموضوع بتاع زكريا والمعياد بتساع حبل إليصابات بيعالجه في نطاق عمل عام يخص التدبير الإلهي يخص الخلاص ويخص تجسد المسسيح . يعنسي لغاية النهاردة زكريا ما كانش يتوقع هــو وأمرأته أن يكون مهم ابن كبقية الأبناء لكن يدخل في برنامج التجسد الإلهي . ده الموضسوع اللسي ما كنش يخطر بذهنه شــوف قد إيه ووحاشة الإنسان لما يطلب الطلبة حتى الطلبة الكويسة بيطلبها في حدود أنانيته وفي حــدود ذاتيتـه الله بقى مش زى أنا الله لما بيخطط بيخطط فى حدود الخير العام . ساعات ربنا يسمح لواحد بتجربة وبعدين يقول طب وأنسا مسالى وبعدين ربنا يقول له أنا عاوز أعمل بيك عمل أعلم جارك اللى فى ريحك حاجة مسن التجربة اللى أنا أديتها لك أنست يا سلام شم أن ربنا له مقاصد جاية بعد سنين طويلسة الله بيرتب لها من دلوقت .

إذا الدرس اللسب عساوز الوحسى الإلبي يثبته في ذهننا النسهاردة إن مش عايز أبس لحياتي إن هي منفصلة عن العمل الكبير اللي بيعمله الله لأجل خلاص البشرية كلسها.

أنا طوبة أو حجر في هدذا البنساء الكبير وإن هذا البنساء الكبير بينمو مسترابط هيكلا مقدسا . وهذا البناء الكبير هو جسد المسيح السرى هو الكنيسة. بـل عـاوز أقـول إن هـذا البناء الكبير هو البشرية كلها .. هـو العـالم .

يبتدئ دلوقت الواحد يبص لذاته على إيه هو مش إنسان عسادى . تقسول لسي أيسه أنست مو قفك با أبونا حياتك أنت . ممكن أقول لك حياتي أنا راجــل عـايش فــي خــوف ربنـا .. وبعيد عن الناس ...لا ليّ دعسوة بيهم ولا ليهم دعوة بي .. وإنسان أهو ربنا معايسا وخسلاص. وممكن أقسول لك لا أنسا إنسان في نطاق البشرية الكبيرة أنا آلــة فـي يـد الله يسخرني لمجد اسمه ولمجد الكنيسسة بتاعته.. ويسخرني لأجل خـــلاص نفــوس كثــيرة .. أنــا ربنا اللي يتحكم في تصرفاتي مش علشاني أنا علشان غييرى .. الله!! منظير جميل جدا .. عندما يضع الإنسان ذاته في يدى الله لا لكي يطلب لأجل نفسه ولكن لكي يستخدمه الله لأجل اى عمل يختاره ربنا .. وهنا بقيي تبتدى تظهر روعة حياة التسليم لايدين ربنا . ما اسالوش بقى إمتى ها تعمل دى وإمتى ها تعمل دى ؟ ما أفرحش كثير بالنجاح ولا آحزن كثير من الفشل. ولا لما تتاخر الطلبة. قلبسى مليسان سسلام .. حاسس إن ربنسا هسا يستخدمني للخيير .. وأكثر من كدة حتى الأخطاء في حياتي سيحولها الله للخيير أيضا. ويجعل كل الأمرور تعمل معا للخرر للذين يحبون الله .. وها ترجع تسالني أنهي خير ؟ أقول لك الخير اللي بيقصده الله لأجلل خلص النفوس كلها.

إن القصد الإلهي في التاخير بالنسبة للزمن بتساع ولادة يوحنا ده ترتيب . ده لازم الولد ده يتولد قبل مجيئ المسيح بستة أشهر

باليوم بالساعة بالثانية يا سلام!! ده زكريا حياتى طويلة عدت السبعين ثمانين سنة . وبعدين بتيجى تتكلم هذا عن إنه بالثانية خلل سبعين ثمانين سنة جاى تضبط الميعاد يا ربى؟ أه . بأضبط الميعاد بتاعه .

أنا ها تكلم عن نفسى أنسا .. أنسا أتولسدت في اليوم الفلاني في الساعة الفلانيسة هل ربنا قاصد من میلادی ده شئ معیسن لا .. لیسه مسا یکونش ربنا محدد میلادی بعمل معین ها تربط بيه في حياتي . ما أنا حياتي أتحطت في إيدين ربنا . ليه ربنها مها يكونش بيدبر حياتي زي ما هـو عايز .. دخلت المدرسة طلعت الأول طلعت التـاني .. طلعـت العاشـر زى ما طلعت اتخرجت . دخلت الكليسة المعينة دى . ليه ربنا دخلنى هنا ليه ربنا ما يكونش قصد إلهى لى . وليه ربنا لمسا اتخرجت عينسى

فى القرية البعيدة هناك دى مسش كويسة وأنا متضايق ومش طايق أقعد فيسها .. فين القصد الإلهى . عاوز تعلمنى .. عساوز خير للقرية دية عاوز يعمل بي عمل معين ؟ وليه ربنا أراد لى أتنقل فى المكان الفلاني ؟ وليه ربنا أراد لى أتنقل فى المكان الفلاني ؟ وليه ربنا أراد أن أرتبط بفلان ..

إذا أبص لحياتي كلها على بعضها إنها جزء من البرنامج العام اللي بيعمله الله لأجل خلاص البشرية كلها .. أنا بين إيديك يا ربى مش أنا اللي هاحد ليك الزمن . لكن إنت ياربي اللي تحدد لي الزمن لأنسا هانخش في ياربي اللي تحدد لي الزمن لأنسا هانخش في موضوع ثاني .

نقطة أخيرة إن الزمن عند ربنا أمر مخلوق زى ما بيخلق البنسى ـ آدم . زى مابيخلق أى شئ في هذا الوجود بيخلق الزمن

الدليل على ذلك إنه سيأتى وقست من الأوقات سوف لا يكون هناك زمسن لأن الزمسن بيخلقه ربنا لقصد معين ولعمل معين وهو اللسى بيحدد الأزمنة . طب شوف تعبير الكتاب المقدس ولما جاء مسلء الزمسان .. ولمسا جساء مسلء الزمان أرسل الله ابنه مولودا مسن امسرأة تحت الناموس ليفتدى الذيسن تحست الناموس لننال الثبنى ".

إذا فيه زمن محسوب ومترتب ولما جاء ملء الزمان . وكلمة ماء ملء هنا يعنى لما اتوضبت كل العملية .. يوحنا خلاص جاهز. زكريا جاهز .. اليصابات جاهزة .. أطفال بيت لحم جاهزين .. الملايكة موجودين .. البشرية دلوقت عندها استعداد لقبول المخلص. الأنبياء كلهم قالوا كل اللي عندهم ..

لما جاء ملء الزمان .. ياسلام .. وهذا الزمن كان ربنا بيماله مسن القرون القديمة كلها. آلاف السانين وهو بيرتب للخطة دى وبيرتب اللحظة دى وبيرتب اللحظة دى للحظات أيضا جاءت بعديها اللى أنا عايش فيها وإنت عايش فيها النهاردة .. أنا اترتبت لى اللحظة اللى اتولد فيها المسيح .. ملء هذا الزمان .

لما جاء ملء الزمان أرسل الله ابنه مولودا من امرأة تحت الناموس ليفتدى الذين هم تحت الناموس لننال التبني .

ایه اللی بیسبب القلق فی حیاة الإنسان ؟ لـو حبیت تبحث الموضوع ده تجده هـو موضوع الزمـن .. إن الإنسان بـیربط نفسه بالزمن . مع إنه الله بیخلق له الزمن و هـو اللـی بیحدده له لکی یصنع فیـه شـئ معیـن .. إذا

الزمن ليس لى إن أنا اللي أرتبسه لكسن الله اللسي خالق الزمن هو اللي يرتبه لسي ياسلام لو الإنسان وصل للناحية ديسة . هايصبح الزمن تحت أمره .. شوف إحنا دلوقـــت فــي العصــر اللي بنسميه عصر السرعة . الإنسان عيد للزمن الساعة دى تحركه والساعة دى تجيبه وإذا ضباعت منه سياعة يتعكنين .. وإذا وقيف على المحطة واتأخر القطار نصف ساعة تبقي إدربكت الدنيا ما يقولــش يمكـن ترتيـب ربنـا يمكن كانت هـاتحصل حاجـة وإذا تـأخر عـن العمل اللي رايسح يعمله بسبب القطر ده ولا بتاع يبقى هـا يحـدث دوشـة فـى الشـغل ولا بتاع. أنا عارف يمكن ربنا بيفتدينسي من خطر أكثر . كان ممكن يحندث لنو رحت الشخل بدرى فسي ميعادي المضبوط وكان ممكن تحدث حاجة أوحش فربنا فدانسي بخطر بسيط علشان يبعد عنى خطر أوحس .. ربما هذا التأخير اللى نتىج ربما سيؤدى إلى التقائى بإنسان بعيد عن ربنا ودى فرصة إنه يجى للمسيح .. شئ عظيم خالص إن الإنسان يضع حياته تحت ترتيب ربنا ويبقى الزمن عنصر مخلوق لخدمة الإنسان بترتيب إلى وليس الزمن نوع من العبودية يستربط بيها البنى الدم علشان يجرجره الزمن شمال ويمين .

من أجل هذا يا أحبائى أصبح هنا الزمن عدد ربنا فى عملية الخلص ده زمن محدد ومرتب وأصبح الدرس الموجسه لينا النهارده إن إحنا نسيب الزمن ده لربنا مانرتبوش أبدأ وما نقلقش عليه وإن الولد يجي النهارده أو بكره ما المهم يجى بترتيب ربنا وياخذ وظيفته النهارده ولا بكره ويتعين في الوقت ده ولا

الوقت ده .. وأنا احصل على العمل دلوقت وعلى شهادتى وعلى درجتى ولا فى وقت تانى وأنا اختار لنفسى زمن محدد وأنا أرتب لنفسى ترتيبات معينة لا أبدا .. أقول له لتكن إرادتك ولتكن مشيئتك التدبير ده تدبير إلهى فى نطاق خلاص البشرية كله وبعدين اسمع بقى اللى بيتكلموا عن هذا العمل .

بيقول طلبتك قد سسمعت .. سسمعت إن ده انا بقى لى ٥٠ سنة باصلى علشان الموضوع ده وصلت للياس . قال له من أول يسوم سسمعت شوف إزاى بقسى .. بالاش القلق فى حياة الإنسان من أول يوم بقى ربنا بيسمع بسرعة كدة ؟ ده ساعات الواحد يقول يا ربى ده أنا بأطلب بقى لى عشر سنين ولا سنة بحالها أنت مش سامع .. يقول لسي طلبتك سسمعت .. من أول لحظة .. وامر أتك إليصابات سيتلد أبنا

وتسمیه یوحنا و إشها معنی یوحنه یعنه الله فیش و احد فی القریه آسه یوحنه قسال له علشان تعرف ان الرب حنان یوحنه معناهها ان الرب حنان یوحنه معناهها الرب حنان .. ربنه حنیه دنیه مدیه الدرب حنان یعنه علشان تفتکر دایما هذه الناحیة فه حیاتك .

وتعرف یا زکریا هذا الولد اللی انست ها تولده مش ها تلحق تتمتع بیه لانسه معروف بن زکریا اتقتل بعد کده بسبب یوحنا .. بسبب یوحنا لأن لمسا هسیرودس قام علشان یقتل بوحنا لأن لمسا هسیرودس قام علشان یقتل الأطفال فقال آنا عاوز الولد ده . فزکریا قال للعساکر ما أقدرش أدی لکم الولد لأنسی واخده من علی المذبح سیبونی أحطه علی المذبح واقول لصساحب المذبح اتصرف فیه لأن ده وأقول لصساحب المذبح اتصرف فیه لأن ده زکریا بعد کده إن الولد ده بقی جای من عند زکریا بعد کده إن الولد ده بقی جای من عند

ربنا. یعنی مش منه وزی ما ربنا بعمل یعمل في الولد . دخل حط الولد خطفه مسلاك السرب من على المذبح . طلع قال لهم الملك اللهم جابه أخذه . (وأعاله فسي البريسة ٣٠ سنة) قالوا له إحنا مابنفهمش الكلام ده . أنست هر بست الولد فين خبيته فين في الهيكل . قال لـــهم اللــي حصل كده . قالوا ما نعرفيش خالفت الأوامير قطعوا رقبته فسفك دمه بيسن المذبسح والسهيكل زى ما قال السيد المسيح إن يطلب من هذا الجيل من دم هابيل الصديق إلى دم زكريسا بسن برخيا الذي قتلتموه بين الهيكل والمذبع .. ما اتمتعش بيه .


لكن شوف بقى ابتدأ زكريا يتنقسل لمرحلة ثانية . بيقول له حنين ربنا .. حنين وأنا مش هالحق أتهنى بالولد .. يكون لك فسرح وابتهاج طيب كويس دى اللى أنا عاوزها مسن زمان ..

قال لى لا مش أنت لوحدك . وكثيرون سيفرحون بولادته .

الحاجة بتاعة ربنا مسا تفرحنيسش لوحدي تفرح العالم كله .. الفرح الأناني المحدود يبقى فرح ضيق .. فرح ذاتسى .. العمل بتاع ربنا عمل لذيذ ومفرح . لما تلاقـــى عمــل ربنـا واضبح أنت بتشكر ربنا .. لما تلاقى ربنا أعان الكنيسة للحظة دية ودبر أمورهـا وأنقذها من تجارب كثيرة تبقى الفرحة عامة للكل .. كثيرون سيفرحون بولادته يكون عظيما مادام من ربنا يبقسي عظيم .. وخمرا ومسكرا لا يشرب ومن بطن أمسه يمتلسئ بالروح القسس لأنه هو مستلمه من الروح القدس ويعمـــل عمــل ربنا ویرد کثیرین مـن بنی اسرائیل وقوی وشجاع ومعاه روح إيليا ويرد قلوب الأباء

إلى الأبناء ويعمل صلـح ويعمـل سـلام .. يا سلام على عمل ربنا في حياتنا يـا أحبـائي !!

إذا ما أجمل إن الإنسان يستودع نفسه بين يدى الله علشان يستخدمه ربنا .. يستخدمه طوبة فى برنامج الخلاص الضخم النذى يرتبه للبشرية كلها منذ آدم إلى أخسر الدهور . أبقى أنا لى قيمة فى هذا البرنامج الكبير من أول آدم لغاية يوم القيامة . أنا ربنا حاطنى لعمل معين فى نطاق هذه الدائرة الواسعة علشان أتمم وأكمل خدمة الخلص التى أرادها الله البشرية كلها . والإلهنا المجد دائما أبديا آمين.



۷ ـــ كلىـــة يمناسية مرور ۱۸ اسنة لأول قداس بالكنيسة

الأول أقسول لكسم حكايسة عسن العسذراء حصلت يعنى وإحنا كنا بسره ..

في يوم عيه نياحتها ٢١ طوبة وبعدين جبنا صورة للعذراء كنست باحكى الحكاية دى لأبونسا أنطونيسوس وبعديسن فسي ٢١طوبسة كان أبونك لوقا معانك وقعدنك نقول شوية مدايح للعذراء وكان معانا السدلال بتاع كيهك وكان يوم لطيف جدا يعني بس مــا لقينـاش ورد نحطه على صنورة العنزاء فقعدنا نشوف كروته قديمة كدة الناس بعتاهًا يعنى . وأنجيل قعدت تقطيع البورد وتعمله إيه شكل ورد وتلصقه على صورة العذراء قالت لى أهسو فيسه ورد أهو قلت لها ده ورد إيه ده ؟ المهم إن بعد شویه قلنا یعنی البلد دیـــة مـا فیـهاش ورد.

وكان شتاء وثلـــج بقــى .. ومـافيش بـاين ورد خالص ولا وردة بسس نحطها قسدام العنزاء وبخلت واحدة معاها بوكيه ورد مسا كسانش حسد بعت لنا ورد أبدا فقلنا لها إستنى .. هــــى داخلـة منفعلة معرفيش . هي قياعدة معانيا دلوقتي كانت معانا في الاجتماع فوق . ولا مش قاعدة ؟ هي الدكتورة أستر أستاذة الباثولوجي في معهد البحوث . المهم قالت أحكى لكم الأول حكاية الورد قلنا لها احكسي إيه حكاية الورد. قالت أنا كنت راكبة الأتوبيس وقاعدة بأقول أدور على محل ورد علشان أجيب ورد لأنى نفسى أجيب ورد فبصيت لقيـــت الأتوبيـس اتعطل . ودى حاجة يعنسي ما بتحصلش بره إن الأتوبيس يتعطل . وقالوا للركاب ينزلوا فنزلوا كلهم لأن السواق قال لسهم انزلوا كلكم لأن الأتوبيس اتعطل فنزلت لقيب تنفسها قدام

محل ورد . فاشترت الورد وطلعت من المحل فالسواق نادى وقسال الأتوبيس اتصلح ياللا اركبوا . فكانت داخلة فرحانة قوى لأنها جابت الإيه السورد ده . فالست العذراء لها يعنى فضل كبير جدا ومحبتها فسى قلوبنا كلنا وريحيتها زى ريحة الورد وأحلى طبعا .

بالنسبة للتواريسخ علشسان تبقسى معروفة الديسمبر كان صحيح اليوم اللسى أنسا أترسسمت فيه و الديسمبر كان يوم صلاة أول قسداس هنسا. سنتها كانت سنة قبطيسة كبيسة فكسان يعنسى الاهاتور ، ١٩ هاتور فالنهاردة الديسسمبر لكن الاحتفال يبقى احتفال بالكنيسسة مسش بالنساس . فالنهاردة الديسمبر لكسن عائنهاردة الديسمبر الكسن ١٣ هساتور هسو يسوم فالنهاردة الديسمبر لكسن ٢٣ هساتور هسو يسوم صلاة أول قداس في إيه ؟ فسى المكسان ده . أنسا ما حضرتوش و لا شفته . صسلاه المتنيسح الأنبسا ما حضرتوش و لا شفته . صسلاه المتنيسح الأنبسا

بنيامين مع الإخوة الأفاضل الآباء اللي كانوا موجودين في خيمة عملوها في يومسها . وطبعاً كويس خالص إن إحنا نعيد بتذكار أول قداس في المكان المقدس ده .

وأحب أرجع للإنجيل بتاع القداس اللي اتقرا فكان الإنجيال بتاع ٢٣هاتور المزمور بيتكلم بيقول موسى وهارون في الكهنة وصموئيل في الذيب يدعون باسمه . كانوا يدعون الرب والرب كان يستجيب لهم بعمسود الغمام كان يكلمهم " . فالمزمور جميك وبيتكلم فعلا عن ناس بيكلموا ربنا وربنا يسستجيب لسهم وهي دى الكنيسة بالضبط. وعمود الغمام كان بيظللهم لأن عمود الغمام كان دايمـــا يظـهر كعلامة لحلول الله سيواء في العيهد القديم أو الجديد على جبل التجلي فيعنى بيكلمهم بحلوله في الكنيسة بجسده ودمه على المذبــــح .

أما إنجيل القداس فبيتكلم كسلام حلو جدا ويقول " الحق الحق أقول لكسم إنكسم ستتوحون وتبكون والعالم يفرح ولكن حزنكم يتحسول إلى فرح. المرأة وهي تلد تحيزن لأن ساعتها قيد جاءت . ولكن إذا ولسدت ولسد لا تعود تذكر الشدة بسبب الفرح . وبعدين يرجع يقول إن أنا سأراكم فتفرح قلوبكم ولا ينزع أحسد فرحكم منكم فالإنجيل كده مترتب بطريقة هرمونية جميلة عن ولادة وحزن وفرح .. وبعدين يجهي ههو يرانها . ده مها قهالش إن أنتهم هاتشوفونی فسی المكسان ده لا ده . قسال ده أنسا اللي هأجي أبص عليكم وأراكه م ففي الحقيقة مش أنتم اللي فرحانين بـس . ده المسـيح نفسـه اللي فرحان . وكل ما بيتعمل قداس كل مــا هـو بیجی بیطل علینا ویفرح ویشوفنا وبینبسط. فأراكم وبعدين يسكب من فرحه فـــى قلوبنا لأن

محبة الله قد انسكبت فى قلوبنا بـــالروح القــدس. فيعطينا فرح . يقول عنه لا يقدر أحــد أن يـنزع فرحكم منكم .. ويقول أيضا فـــى الإنجيل كـل ما تطلبونه من الآب باسمى يعطيكــم .. اطلبوا تأخذوا ليكون فرحكم كــاملا .

الإنجيل في الواقع كله ولو إنه ابتداه بالحديث عن الحزن لكن كله من أوله إلى أخره بيتكلم عن الفرح الناتج من وجود ربنا في المكن .

الحقيقة يا أحبائى الحزن اللى يقصده هنا شوية التعب اللى بتمر بيسهم المراة في أيام بسيطة وبعدها بيكون لها ابن بيفرت قلبها سنين طويلة فبيتكلم عن التعبب اللي ممكن يتعبه الإنسان في الولادة أو في التوبة أو في نشأة كنيسة جديدة ولكن الفرح اللي بيتبعه فرح كبير خالص .

فإحنا النسهاردة فرحانين لأن ربنا اللسى فرحنا لأن هو اللي جمعنا . هو اللسى حلى فسى وسطينا و هو اللسى بيرانا ويفرح قلوبنا . ده إنجيل القداس اللي اتقرا انسهارده . واللسى هو اتقرا في أول القسداس .

في الواقع الكنيسة اتحطب في موقف دقيق جدا في العالم .. دقيق جدا ورب المجد يسوع يقصد هذا . الكنيسة مسش مجموعة مسن الناس لكن الكنيسة جسد المسيح شخصيا اللسي بيقوم بيها . وده كسلام معلمنا بولس الرسول في رسالته لكورنشوس الثانية. إن الله كان مصالحا العالم لنفسه للمسيح وبعدين يقول " و أعطانا كلمة المصالحة. إذا نسعي كسفراء عن المسيح نقول للناس تصالحوا مع الله كأن الله يعظ بنا " . فاحنا كأعضاء في جسمه أصبحنا بنحمل مسئوليته بالنسبة للعالم كله.

أنت وأنا ما أصبحناش أفسراد عاديين أو ناس عملنا جمعية وبنجتمع وبنحط أيدينا في أمور معينة ولكن كل واحسد مننسا عضسو فسي جسم المسيح بيحمل في كيانه مسئولية المسيح الشخصية لأن حركته نابعة مسن نبضات قلب المسيح . فلـــم يصبح لنا إرادة شخصية ولا ذات منفردة ولا كيان مستقل ولكن كال المسيح يعظ بنا تصالحوا مسع الله . مسا أضخسم هذه الرسالة الموضوعة على أكتافنا أن إحنا نحمل كلمة المصالحة التي من أجلها نزل المسيح من السماء وصنالح الأرضيين منع السمائيين بدم صليبه.

من هنا يا أحبائى بتيجى مسئولية كبيرة علينا خالص وبنعرف أن إحنا اصبحنا المخلوقين في المسيح يسوع لأعمال صالحة سبق فأعدها لنسلك فيها ومخلوقين فيي المسيح

يسوع لنحمل كلمة المصالحة التـــى مـن أجلها نزل إلى العالم لكى يصــالح العـالم كلـه بذاتـه على الصليب.

شوف بقى تبقى المسئولية بتاعتنا قد آيه. مش مسألة بناء الكنيسة ولا مسألة اجتماع لكن أصبح كل واحد حامل لكلمة المصالحة بتاعة المسيح من هذا ذكر لنا رب المجد يسوع إن إحنا ملح الأرض والنور يعنى إذا الأرض من غيرنا تفسد لأن الملح ده بيستخدموه علشان يحفظ الحاجة من الفساد . فالأرض بدون أعضاء المسيح تفسد والأرض والعالم بدون أعضاء المسيح تعيش في ظلمة .

فكر شوية قد أيه أنت الرسالة موضوعة أمامك وقد إيه الكنيسة مسئولة مسئولية كبيرة وخطيرة جدا عن العالم اللي حواليسها فإذا كنا إحنا بنجتمع في مناسبة بناء الكنيسة.

فالكنيسة هي جسد المسيح أولا وأخبيرا. والمسيح في حياته على الأرض ما بناش كنائس ولا الرسل يذكر عنهم التاريخ إنهم بنوا كنائس على الأرض مابنوش ولا كنيسة ما بنوش طوب يعنى . لكن إلى أقاصى الأرض بلغت أقوالسهم . فالمسئولية الموضوعة علي عاتقنا إحنا ما ليناش فيها اختيار لن إحنا خلاص أعضاء في جسم المسيح زي ما بيقول الرسول إذ الضرورة موضوعة على فويسل لسي أن كنت لا أبشر .. هـــا روح فيــن يمكــن أيــام يونان كان ممكن الهروب سهل ومع كدة ما عرفش يهرب ركب المركب ورجع . لكــن أنـا إزاى أهرب في الوقت ده أنا عضو فـــي جسـمه من لحمه ومن عظامه.

فارجو إن إحنا بهذا الإحساس فسي المناسبة الجميلة دية اللي هي مناسبة بناء الكنيسة أو تأسيسها علشان نحس بأيه معنى الكنيسة ومركزنا فيها ومسئوليتنا من نحوها وإن الفرح هايملاً حياتنا لأن هو هايرانا ويفرح قلوبنا ولا يقدر أحد أن ينزع فرحنا مننا لأن إلهنا موجود معنا كل الأيام وإلى انقضاء الدهو.

الكنيسة هي جسسم المسيح يدوب فيها الكل مافيش حديث عن أشسخاص . لأن إذا كنا إحنا ملح فالملح بيدوب . في الواقع المحبة هي ذوبان للملح . والوحدانية في الكنيسة ، الوحدانية في الفكر والرأى والروح والقلب والسهدف . هي في الواقع ذوبان للملح، والختفاؤه لأن مش ها يكون لسه كيان . والنور والنور أيضا هو عبارة عن احتراق .. احستراق لحاجة بتتهي لكن بتور . لأجل هذا الكنيسة مسئولة عن النور ومسئولة عن تمليح العالم في أي

مكان هنا .. في الشارع .. فـــي البيت .. فــي الكلية .. في العمل .. أنتم نــور العـالم . فإحنا نرفع قلبنا لربنا ونقبول له يا ربسي اجعلنا أعضاء مثمرة فيي الكرمية وثبتتنا فيك وها نشيل معاك صليبك ونمشى معاك لأن إحنا اعضاء من جسمك مش مفصولين عنك مش أنت تتصلب لوحدك وإحنا في جسدك أيضا معك لأجل هذا يقول معلمنــا بولـس الرسـول " أتمم في حسيدي نقائص شيدائد المسيح " . ازای ها تممها فی جسده نقائص شدائد المسيح يعنى لسة المسيح ليه شسدائد مطلوبة في هذا العالم وفي أيام بولس وفى أيامنا بيكملها بولس الرسول بيكملـــها مـش بذاتــه كإنســان بيكملــها كعضــو فــى جســم المسيح الحسى الحسامل مسئولية العالم .

لكى لا أطيل عليكه عهاوز أخرج بسس بالنقطة المهمة دى إن إحنه مالينهاش أشخاص منفردة أو أسماء معينة ولكن إحنه أعضاء في جسم المسيح والعمل والمجد لاسم المسيح وإحنا ها نتمتع بيه كلنها لأن لمها يتمجد اسم ربنا ما أنا عضو فهي جسمه .. لي نصيب أيضا في هذا المجد من أجل هذا يقول أن كنه نتألم معه فسنتمجد أيضا معهه .

ربنا يفرح قلبنا ويبص لنا من السماء ويفرحنا دايما ويملأ الكنيسة بالفرح في كل وقت وفي كل عصر . وفي الأيام المقدسة دية يعطى الصحة والعافية والشفاء لأبونا البابا المعظم الأنبا شنودة ويكمل رسالته ويملأ الكنيسة بالروحانية والسلام والمحبة والوحدانية ويعطينا كلنا أن إحنا نفرح بقلب وأحد ككنيسة الرسل عندما كانوا يواظبون

على الصلة والشركة وكسر الخبز بنفس واحدة . يعطينا ربنا هذه النفس الواحدة .

أما بالنسبة لضعفى فطبعا يعنى فى ريح الأمور المهمة دية فى ريح أمجاد ربنا يبقى المحديث عن أشخاص ده نوع من الأيه ؟ نفاية أو زبالة . ولكن فيه نقطة ما تتسيش أبدا إن فى الواقع كل ما بنلاقى فيه محبة كل ما بنفرح .. مش أنتم بتحسوا بكده ... فى كل مناسبة مهما كانت بنتربط بقلب واحد بمحبة كبيرة خالص . وبتطلع مننا صلوات بقلب واحد وبروح واحدة . ودى بتفرح قلب ربنا خالص وبتفرح قلب الكنيسة .

الله يعيد علينا الأيام ديـة بـالخير والبركـة والسلام ويعيد لينا آباءنا الأحباء أبونـا تـادرس، أبونا لوقا بالسلامة ويحفظ لينا أبونـا متـى اللـى تعب .. اللى جه في الآخر لكن تعب أكـــثر مـن

اللى جـم فـى الأول وبيتعب وبيتعب وكـان والله والمنح من شكل التصفيد بتاعكم سقفتوا لـه أكثر من أى واحد تـانى .

ومحبة أبونا أنطونيوس وحضوره رغم مشغولياته الكثيرة . وتواضعه وكلامه الحلو اللي سمعه لنا . وأبونا مرقس أبونا كلنا اللي مديونون ليه بالأبوة وبالمحبة .. وآبائي الكهنة أخواتي وأبونا شنودة اللي شرفنا النهاردة وباركنا وحضراتكم جميعا اللي تعبتم . ربنا يعوض كل واحد ليه تعب ويعيد علينا الأيام دية بالخير والبركة .

لإلهنا المجد دائما أبديا آمين



رقع الصفحة	
γ.	١ ـــ شجرة العائلة
٤٤	٢ ــ العذراء مصدر الأفراح
٧٧	٣ ــ العذراء بدء الأفراح
. 17.	٤ _ عشية السيدة العذراء حالة الحديد
۱۳۱	٥ _ عشية عيد دخول العذراء الهيكل
١٤.	٦ ــ الأحد الأول من شهر كيهك
179	٧ ــ كلمة بمناسبة مرور ١٨ سنه لأول
	قداس بالكنيسةن.

